

17

T 3210/1432.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941

平湖縣志卷九

下

哈佛大學漢和圖書館珍藏印

平湖縣知縣候補同知王恒修

人物 列女

列女

按程志傳文最詳厥後遞修遞簡高志猶存嫁時年月張志復并去之茲于前明則據程志所定先

後

參校他書詳為纂輯

朝悉

依列女年齒編次新呈牒者亦雜列其中總苞賢媛縷

述壺儀所以勵名教敦風化云

明

楊彥璋妻魯氏

嘉興府圖記名淑清父彥中徙餘杭而嫁其女于故里楊氏子彥璋永樂丙申夏倭寇犯

海鹽武原鄉擄掠男女而淑清亦在擄中抱一子未晬泣而委之曰幸天活我兒潮至遂躍入水以死年二十一時有淑清同溺而不詳其姓名者淑清所棄兒卒全無恙

按前史列女傳漢書云某人妻晉書云某人妻某氏唐書而下列各不同邑舊志皆云某氏某貞女惟省志府吳志則依晉書例從貞婦志也今倣其例而于未婚守節者不變例曰某人聘妻某氏其有養父母不嫁則曰某孝女俱大書姓氏而子注傳文于下亦倣省志府吳志例

趙璧妻沈氏

沈氏家乘名妙善字日夜沈珍女年二十二歸璧越七年璧邁疾臨終謂沈曰吾死不足惜恨

上下事未完耳沈齧指灑血泣曰誓無二心以畢夫子事時年二十九子恂方六歲及舅姑相繼歿喪葬皆合禮服除有諷以易志者叱曰婦人所天不二苟懷他志有如此卽以刀斷其髮後遂無敢言者永樂丙申倭寇逼沈居鄰嫗掖之匿家被掠中落而規矩不少懈嚴以教子卒成立族眾欲列其事於朝沈曰凡吾所為皆分當然豈為名也乃止年八十一卒按邑中著姓家乘惟沈氏有節烈一門茲悉為採補其他湮沒正多又况窮鄉發婦並無族譜可稽末由追溯芳薇可勝慨耶

監生沈坪繼妻費氏坪姪維籠妻陶氏維鑲妻陶氏

嘉興府劉志費

氏年二十一歸坪纔九月坪患瘵疾卒費哭死復蘇截髮毀容誓不易志舅憫其節為立嗣費坐卧一小樓足不履地年八十五卒坪姪維籠妻陶氏撫孤興孝維鑲妻陶氏撫孤紹初皆年少守節時稱沈門三節云程志後倭寇入掠經其故居曰此沈節婦之門也戒無入

沈宏妻平氏

嘉興府柳志華亭平可拳女年十六歸宏二十

平躬織紉執爨春汲昏曉不憚勞親隣憐其少勤之嫁平泣曰女子從人惟一無二吾所以未死者以老姑弱息耳若改適他姓非惟死無顏面見前人于地下老姑弱息將何託耶眾知其不可奪益賢之養姑以天年終教子成立年八十九卒有司上其事奉詔建坊

沈燿妻劉氏

沈氏家乘燿年二十七卒卒三月而劉生遺腹

子地撫之成立家素貧勤女紅以給薪水晚年地舌耕以養母里黨有孝聲知縣表其門曰節孝

增廣生胡善妻戴氏善弟慶妻萬氏

嘉興府柳志善為縣學增廣生慶為鄉童子師

二人兄弟也俱蚤亡善亡戴年二十二未孕育慶亡萬年二十七有一男一女萬方新寡與戴謀曰吾二人不幸俱蚤失天奴又無出吾有此二息願奴收女育之俟長為贅婿使持門戶庶幾生死有託戴聽之相與異室而處日夜勤紡績以供姑二氏雖屢及凍餓而姑養不缺姑歿哀毀慟哭鄰里莫不嗟悼既而萬之子復患痼疾死二氏益無倚卒能全節萬年七十一終戴年七十五

終里人楊能疏於朝旌之

乍浦七烈女 海鹽圖經並嘉靖中倭陷乍城時義不受辱而死者也曰童氏後所郭臣妻投池死曰柳氏軍

人暉之女曰一女二女軍人陳起女投井死曰李氏諸生金之女曰沈氏軍人表之女曰周氏舍餘戴鑑妻俱投河死又有俞姓者匿承塵上避倭見數倭驅婦人在其家恣污有一女亦掠在旁乘間觸門門破頭亦破而死後賊退俞姓者義此女不忍易其門嘗指向人稱之知是時殉節死失姓名者多矣 按程志先紀李女傳云李斷女庠生李金女也居乍浦嘉靖間倭寇入境父携之以行女度不免乘間投河死提學阮鶚立石海濱曰李斷女死節處次合傳童氏等六人朱志以下因之皆稱六烈女府袁志吳志則增步橋妻朱氏亦曰倭陷投河死仍稱七烈女今錄圖經原傳並詳李斷女事

蹟於下至步橋妻朱氏圖經云海寧朱天宏女其死也投虞溪橋下故省志纂入海鹽列女附識於此

陸美妻俞氏

兩浙名賢錄甫笄歸美克盡婦道嘉靖丙辰倭寇至將逼其居美適外出俞亟渡河深不可涉

美弟與僕欲援以手俞厲聲曰死即死耳手焉可執竟溺死

毛文光妻沈氏

嘉興府劉志遇倭寇投水死

倪烈女

朱志年十八未字嘉靖間倭寇臨城以麻纏身自誓必死倭逼之度不免給日以鼓樂迎我當從若乘間

赴水死倭銜之以鎗攢刺水為之赤

刑部主事俞乾繼妻張氏

嘉興府劉志乾前妻子女五人張撫如己出年二十四乾亡生子二

方襁褓張闢一室懸夫像奉祖姑金同處其中時海寇入境張厲白刃置懷中入問之曰脫有急以此死耳寇躡其舟不能及咸謂天實佑之苦守三十餘年卒

監生張訥繼妻紀氏

朱志訥先娶李氏生子思孝甫三歲紀年十九歸訥兩載訥死歲大饑兄諷之

嫁不從給歸將強適豪右紀知之亟呼兩兄詭言兄勿聽紀持刀負子而走夜昏黑見二火若前導隨之自舊衙至蒹葭園徒步二十餘里晨至家力撫其孤家以饒裕嘉靖間太守劉良棟旌其門卒年八十二孫行采官甄建鹽運司副使

陸瀾妻宋氏嘉興府圖記歸瀾逾年瀾亡宋年二十一遺姪從事舅姑撫夫幼弟不踰禮

生員楊相妻潘氏程志相年二十一卒遺孤僅數月潘不復則有司上其事表異其廬

十八卒

俞相繼妻姚氏嘉興府劉志年十七歸相三年相卒有前妻潘氏未嫁女姚哀號徹晝夜因告翁姑立嗣

子可賢撫子女如已出年七十卒前妻女適陳常道五月而寡與姚共勵冰操詔表其門俞氏別有傳

生員馬師伊妻戴氏程志適師伊不期年師伊歿翁姑見戴年少且家酷貧問使人諭意戴長號曰

所不從地下者以遺娠二月莫延夫緒一綫耳柰何及此既乃生女翁姑為贅婿課之無成戴泣然曰亡者賁志未伸婿

又爾爾可使書種陲絕哉於是以前所生二子逢樂乾為已孫勤紡織以佐讀二孫俱遊庠知縣黃焯旌之直指吳某請

於朝未報年八十四終

生員張昊妻孫氏附嘉興于韶妻王氏嘉興府圖記孫氏年二十四歸昊八月昊

亡誓無易志姑陸氏老而喪明孫事之孝敬備至姑卒無依乃告諸族屬還依父母縞衣素食五十餘年不改其度嘉靖

間知府蕭世賢上其事詔旌異之程志王氏名淑安孫固外孫女歸韶家頗落未廟見而韶已病風閉室守疾半載勤績

紡供藥餌無幾微色見韶卒誓不再適宗族憐其無嗣嗣以舅之幼子繼則固之孫也繼自乳哺迄於成立卒勤二十餘

載從叔父禮部王濬為狀并錢翰林溥沈侍御肆諸人詩成帙付繼最後藏孫氏所孫氏五十年處一閨室跡不踰戶此

帙恒着枕畔貞心苦節所由來久矣按孫氏家乘淑安華亭王士澗女家華亭楊溪而于韶則家嘉興是王氏宜入嘉

華兩志祇以與孫姓為戚屬當時節孝詩又藏孫氏處故程志附傳孫下其實王為洪景間人先孫數十年歿朱志讓分

兩傳并目為同時張志既為孫氏立傳又于王氏傳末稱同時有張節婦者守節五十年云云是一人兩傳尤誤中之誤

海鹽贈主事吳寬繼妻封太安人鄭氏 浙江通志參嘉興府圖記年十七歸寬二

十八而寡手撫二孤命之耕讀逮子昂起甲科馴至通顯甲

令凡節婦有終應得旌門鄭及格督學風有司具上鄭聞之

日守志撫孤婦之道也已被封典敢邀再命乎命昂力辭之

紡績至老不倦每歸寧舟行往返必以木棉車自隨衣破裂

必補綴一布被五十年猶存每舉以示孫曾曰此阿婆嫁時物也年七十八卒嘉靖中詔表之

姚某聘妻朱四女 明一統志朱炳少女年十六許姚氏未及

邱鍾乃其姊夫強附同居數挑之以言四女即大聲詈罵痛

哭于庭自嘆無父之女為人所凌如此至夜遂縊死父柩旁

毛徵妻楊氏 程志參朱志楊垣女年十八嫁徵三年徵亡翁

詩弔之按府劉志作陸氏名婷陸垣女程志改

作楊氏朱志以下皆依程志必有所據今從之

倪光道妻趙氏 程志光道病卒趙方盛年遺腹子復天提

顧乃言妻馮氏程志事姑以孝乃言卒誓死守節撫嗣奉姑

曲盡孝愛姑死以母病籲天請代竟以疾亡

生員姚筌妻顧氏 程志筌亡顧年二十四撫繼嗣如已出守節五十五年卒

生員懷案妻潘氏 嘉興府劉志參程志年二十一案卒閉戶自盡舅亟救之方免遂脫簪珥畢葬事歲

履貧窘躬紡績以養舅姑艱苦萬狀後孫所學領萬歷己卯鄉薦年七十三有司奏旌其門

-5 148 45 935" data-label="Text">

趙志完妻朱氏 程志年十七志完死無子父母欲勸之嫁朱毀儀容日夜寢處柩側凄風夜雨人鬼共居見者潛然下淚既葬立嗣子撫之如所生年四十九卒

張崇仁妻馬氏 程志年二十崇仁亡無子甘貧守志以終戚里無不哀之

朱彩妻吳氏 程志婚二年子纔及期而彩卒是時饑荒洊至不能舉火翁姑諷之嫁吳剔目剪髮誓無二心

其他艱苦尤種種不可殫述年七十一知縣謝良弼旌其門

-5 148 45 935" data-label="Text">

生員鍾鳴震妻姚氏 程志適鳴震不半載鳴震亡子女俱無弟鳴昇以母視之為立嗣護持其家事云

生員孫官妻劉氏官子同祖妻盛氏

程志官御史迪子早世無嗣繼弟守子同祖為

子同祖髫年亦亡劉偕同祖妻盛氏矢志守節嘉靖間倭入寇遠近播遷劉年僅二十盛年更少家人促避賊姑媳斷髮剪爪曰賊至有死耳平時矢不越閭限豈以亂易志乎時無賴乘機盜劫奩橐一空兩婦不謀朝夕相守三十年姑嚴婦孝周旋於伶仃孤苦中時稱雙節云

陳常道妻俞氏常道孫贈光祿少卿陳泰來妻封孺人沈氏

程志纂俞氏年二十而寡無子翁姑相繼沒欲以身殉者再伯妯泣止之以其子二典為之嗣俞躬自紡績教育成立後生孫泰來既就傅從里塾歸輒具食令誦所受書勿忘者乃得食泰來蚤歲成名皆大母訓戒力也冰操四十餘載御史聞之朝建坊旌表沈氏家乘沈氏沈雲巢女少聰穎通鑑列女傳諸書皆成誦年十七歸泰來時泰來年未弱冠登進士神宗賜內府金蓮花龍燈歸娶合卺夕泰來語沈曰今夕蓮燭合歡差稱人意沈曰吾家中憲公亦釋禍乘龍天家榮寵獨君擅耶傳者以為雀屏佳話及泰來以言事貶竄死無子家益貧沈窮居營織苦節數十年光宗朝贈泰來光祿少卿

沈奉詔建坊旌表按沈氏係已旌節婦舊志皆失載今采沈氏家乘補入

馬維金妻趙氏

嘉興府劉志趙志先女維金死趙年二十欲自盡以殉翁泣曰有孤在盍存孤乎乃少進水漿已而姑病趙籲天燒指願以身代姑竟不起子亦天遂不食而卒

生員孫洪範妻沈氏洪範弟某妻吳氏某妻張氏

程志洪範年二十三

卒繼姑頗悍待沈不以禮曲意承歡發居四十餘年足不踰閭其孀吳氏張氏亦慕義守貞人以爲皆沈所感云

徐珙妻楊氏

程志楊昇女年十九歸珙生子悅甫四歲珙卒楊年二十四翁姑年六十餘祖姑戴年九十餘

仰事俯育綜理周至年六十七而終

胡天常妻陳氏

嘉興府劉志年二十三而寡子方一歲或諷之嫁陳仰天慟曰我胡門有雙節如戴如萬

者至今誦之獨至我爲失節婦我何面目見祖姑於地下乃斷髮自誓卒年六十六

馬曙妻沈氏

嘉興府劉志年二十歸曙越五年曙亡沈晝夜號慟水漿不入口誓以死殉舅曰吾老矣不忍



聞此聲沈恐傷舅心抑情就禮然終身無喜容年五十九卒

**馮春賜妻陸氏**程志嫁歲餘春賜死陸遺娠生子又殤翁憐其單寡以幼女女之陸為擇婿陸整整成乙

丑進士疏陸苦節狀巡按勘實詔旌其門翁有貳室顧氏節與陸同女即顧所出也

**過溱妻俞氏**溱子貢生橋妻陳氏孫贈御史厚妻封孺人張

**氏**程志參嘉興府袁志俞氏嫁二莽溱卒年十九無子女時歲荒家日不支姑諷之再適俞曰何忍忘死者請得六尺

孤畢此志時溱兄子橋甫二歲乃立為後俞盡心撫養稍長課橋力學卒貢成均年八十三卒橋亦早夭妻陳氏壯年霜

居守節四十年督課兒孫秉性慈和好周人急雖傾囊不顧橋子厚妻張氏張仰峯女厚早世張矢志冰霜家貧紡織自

給課子庭訓成進士每進珍衣不忍被體蓋儉約性成云生平却葷茹素彌留之際神理不亂口念蜜多經并令持湯藥

者交聲誦彌陀奄然而逝人咸異之年七十九萬歷乙卯奉旨旌表建三節坊

**馮璵妻馬氏**程志年十八璵亡至八十六而歿奉旨建坊齊景鄉白潭漾白潭人稱馬氏冰心霜操貫竹披

松至今尚有烈氣姑病剪肉和藥顛天願以身代病立瘞遺孤甫一齡口哺舌教嚴倍於父後馮氏世以學顯

**生員劉濂妻馬氏**明史年十六歸濂十七而寡翁家甚貧利其再適必欲奪其志不與飲食百計挫之

志益厲嘗閉門自經或救之則繫絕而墜於地死矣急解漸蘇翁又陰納沈氏聘其姑誘與俱出令女奴抱持納沈舟歸

投河不得疾呼天救我須臾風雨晝晦疾雷擊舟欲覆者數四沈懼乃旋舟還之事聞於縣縣令婦別居時父兄盡歿無

可歸假寓一學舍官贍之以老按邑列女登明史者惟馬氏一人

**千戶王璽妻封宜人馬氏**舍餘劉環妻李氏乍浦志璽沒子鏜幼尚未襲職

馬守志撫孤以養以教俾至成立後鏜卒以忠義顯馬與舍餘劉環妻李氏並以貞節受旌

**毛某聘妻沈氏**嘉興府劉志沈渭女少字毛坤子某及笄將嫁而其夫浪遊不返翁憐之欲令他字女不

從請於父母過毛立後守節終身按程志毛坤子字文光府劉志另有一毛文光其妻亦沈氏係遇倭死節者朱志兩存之于毛坤子削去文光二字府吳志遂誤併為一人今仍朱志分載亦不著毛坤子名以示闕疑

孫岳妻沈氏嘉興府劉志年二十歸岳匝月岳亡越四十餘年清操如一日無遠近共稱沈貞六娘云

嘉善張應祥聘妻陸氏陸某妻李氏程志陸氏陸應元女年十三許聘應祥逾年應

祥死媒氏來議姻陸入戶剪髮鍵關不復出其婦李氏亦廢居相依以老知縣黃燾表之曰一門雙節

生員郭山妻陳氏程志參嘉興府袁志年二十七山亡子球以甘旨供姑以粗糲與子共飯每深更課讀至古人往行相

似處母子相抱而泣陳後雙目瞽以子球舌舐復明事詳球傳年八十四卒曾孫紹儀為御史瀝陳陳苦節奉詔旌表建

坊按陳氏被旌舊志皆失載今從府袁志郭紹儀傳補纂然陳氏乃紹儀曾祖母袁志作祖母

誤觀攜李詩繫稱紹儀為球孫可証王誠志妻朱氏程志嫁未幾誠志死育伯子維紀為子顧復

倍于所生居常蔬糲大布督課耕織旦夕不倦年八十餘卒按舊志皆作王誠志今節孝祠中木主作志誠

嘉興徐萬鍾妻沈氏沈氏家乘沈若愚第三女適萬鍾甫九月萬鍾亡沈年十八守節四十二年卒

馮叔原妻沈氏生員鍾鳴升繼妻沈氏程志生員沈維銀二女長適叔原十九而寡止一女守節不踰閭限終身不歸省沈馮兩甲族尊為母

師卒年五十三次適鳴升年二十七亦寡事姑甚孝生子早夭撫前氏子成純倍極愛護年六十二卒時稱沈氏二節云

陸臺妻顧氏程志臺贛州推官府子顧年十九臺亡守志家貧食力撫遺腹子成立拮据萬狀至八十二卒

生員陸邦俊妻蔣氏程志年二十六邦俊亡無子守秉孤貞至八十歲卒

生員鄔科妻馬氏程志年二十三科亡翁姑衰老日織紉以亡者無恨耳撫遺孤訓以義方人謂鄔生不死

曹氏稿李詩繫適諸生陸大初夫赴省試病革寄夫一絕云金風吹散碧天雲雞骨支牀體似焚夢想吳山無限恨

對人含淚惜劉蕢尋卒沈懋孝為立傳按才女無專集者錄一詩以存大畧惟別于婺婦不書某人妻凡才女皆倣此

姚文治妻陸氏程志文治卒陸年方十九躬織紉以贍姑苦守六十年

三月系志 人物下

王棟妻周氏

程志教授周鳳來女年十七歸棟生女二二十棟亡朝夕坐卧柩側屏去鉛華至七十六卒

生員陳治安妻袁氏

程志年十九治安亡守志撫孤及子又天復撫一孫熒熒艱苦年八十餘卒

張一鵬妻趙氏

程志幼貞慧年十六歸一鵬家世業賈成婚數日輒持籌准楚間旋得瘵疾歸病且革數

誠其姊曰吾死必嫁吾婦已復與趙訣曰吾死汝善事後人慎勿更嫁服賈者趙哽咽不能語自指其心與其幼兒者三一鵬死伏屍而哭極哀乳枯月餘兒亦隨天趙乃於邑曰吾所以不先往地下者不忍此藐孤貿貿轉溝壑也今子又死我何以生為其母持之亟不得間乃強為歡

笑俟母歸庀酒醉守者沐浴更衣雉經死

生員施應期妻鍾氏

程志年二十三應期以羸疾夭鍾哀慟呼號絕粒者七日姑苦勸之乃復食所

生女適張寅寅家素封欲迎養之曰有先夫靈在何可去隨依應期嫡侄贈知縣紹芳終養守節五十餘載

生員楊日清妻過氏

程志過氏生員過槐女年二十八日清亡

事翁育子俱出自手續自奉朝不謀夕裘葛不完年八十餘卒媳顧氏割股療夫夫喪三年畢遂絕粒亡

舉人贈員外馬汝賢妻贈宜人沈氏

程志汝賢未第時每授經外郡沈脫簪珥以奉

舅姑及汝賢以隆慶丁卯魁浙闈遽天折遺孤明瑞甫六齡沈含冰茹藥嚴訓課之卒年七十五後明瑞領鄉薦仕至工

部員

時勲妻趙氏

程志參朱志勲早世無子趙守節三十二年

過明堂妻陸氏

程志年十九歸明堂二十一而寡涕泣嘔血死而復甦者再為盡脫簪珥備衣棺至終七

時向侍女流涕曰我向不即從地下者慮衾棺從約且初亡無人侍靈前耳今既竣事寸心無恨詰朝可以此志告我父

母翁姑遂自縊而死

陸嫌妻楊氏

程志二十一而寡家貧徹骨訓子及孫使成立苦節五十餘年

贈叅政胡濂妻贈淑人沈氏

程志早歲濂亡礪節不二提攜幼子友忠刻苦成立友忠生子

士相沈訓誨彌嚴迨士相登萬歷甲辰進士沈年已八十餘矣嬰鏢善飯享年百歲里閭重其節且羨其食厚報云

歸安蔣衍章聘妻陸氏

程志參嘉興府袁志舉人陸光裕女字歸安蔣恭靖孫衍章衍章病瘵不

克成嘉禮告其母郁恭人願謝婚女年十七泣請行祖尚書親送之門則衍章已屬纊矣泣視含殮畢欲自裁恭人力解乃止

寸不歸日坐斗室督老婢蠶績曳歷四十一年直指某奏旌

李文東妻沈氏

程志年十六適文東十八生女女甫二歲而文東天無子沈矢志守節長齋奉佛年七十

五忽辟穀數日朗誦佛號而逝

監生馮伯禮繼妻查氏

新纂海寧盧江同知查岐峯女萬歷初歸伯禮姑曹淑人性卞急查事以

孝代理家政有法伯禮試京兆七年不返卒於外樞歸查以頭觸之血被面侍兒爲括髮纜寸許蓋聞訃時卽引刀截之

也值火災延至寢所揮手謝救者曰我每念嘗痛于骨髓今得死所矣子洪業急負出竟不食卒邑人私諡曰貞孝

監生張恒吉妻馮氏

程志雲間觀察馮文所女適布政使張大忠子恒吉大忠歿于任恒吉奉柩歸

未幾亦歿馮年三十孤兒楚魁尚在襁褓上事庶姑中撫諸叔一一盡禮內外無間言卒年五十七

生員沈民表妻劉氏民表弟民志妻馬氏婢吳良妻江阿妹

海鹽圖經劉氏陶涇宦族女嫁民表十九而寡家貧田止二畝而無子家人欲迎歸養之劉不可有所遺亦鮮受縮衣節

口勤紡織自活年八十餘當民表死葬未備積二十四年得數金始克收葬啟棺自整拭骨骼綿綴成形易新櫬具槨以

窆哭絕於地隣媪救之得甦有婢阿妹八歲事劉長而贅婿吳良良死卽不復櫛髮人呼之爲鋤頭有感於劉而貞也阿

妹姓江父家小柵橋程志馬氏適民志年三十舉一子民志遽卒罄鬻產殮殮艱辛困踣歷四十餘年如一日與妯劉稱

雙節焉

生員喻堯欽妻趙氏

程志年二十堯欽故一子二女俱襁抱熒熒苦守有勸其他適者嚙血鬚髮五

霜不櫛徙居永巷蘆簾泥壁有窺者將蔬衣塞兌重棉瑾戶卽盛暑鬱蒸罕通風罅如辛糊口街鼓已罷猶聞織作聲

陸堯俊妻顧氏

海鹽圖經宜黃知縣顧所有女字陸僉事夢韓季子堯俊所有無子以女爲子因贅焉堯

俊豪華公子幼孤家業幾蕩尋得療疾蚤死顧抱堯俊弟之子爲子存其祀而身侍養父若母至終天無闕禮

張廷瑚妻沈氏

嘉興府袁志廷瑚一天沈年甫二十苦節自勵壽逾七旬遺孤事母盡孝學博旌之

喻應麟妻莫氏

程志應麟蚤沒莫年二十五家劇貧苦節自勵子泰徵道徵莫口授孝經迨年八十里中

者之謂何而因以為名人益高之

王恩忠妻過氏

程志年二十九恩忠歿無子族人有利其貴者撫為子教之成立終日勤劬家道益豐歷三十餘年布衣蔬食持齋誦經終身不改素志

生員沈中燦妻馬氏

程志御史馬聯曾孫女歸中燦中燦為學道紫溪蘇濬首拔士卓朗有志操以

攻苦嘔血亡馬年甫二十三

矢志冰蘖丸熊課子襄

三喪踰五紀萬歷三十八年署知縣喬某旌其門

宋秀妻金氏

朱志年二十八秀亡至八十二歲卒萬歷間通判劉某旌之

俞二妻李氏

程志少知書義適二二歿矢志守節先是李為張酉陽女乳媪女少寡李綜理其家務李婿陶

鎔領鄉薦術人沈廷懋為言婿貴何不往依李曰貧孝廉何暇食人且周旋寡女寧忍一朝捨去鎔再三迎卒不往無何

鎔婦亡再娶人咸服其早見年七十餘以節終

曹一炯妻王氏

程志叅嘉興府袁志年十九一炯亡剪髮毀容閨扃斗室姑病朝夕侍藥餌勤祈禱及姑

將死婉諭王曰新婦從來可相倚者惟我在今我已死汝何依不如自便計宜決王涕泗橫流答曰媳前既以不渝節一

言矢告地下寧以姑存亡有二心哉姑死經營殯殮與舅合葬年七十餘撫按兩臺旌之歲遺粟帛奏請建坊

張行倫妻陸氏

程志年二十四而寡持身貞靜有至性撫孤自立貧能苦守至七十五卒

馮某妻陳氏

程志叅朱志馮三鑑母二十一夫死三鑑方四齡姑老家貧朝夕不能給陳納子于懷雙手紡

花天寒凍指血淋或勸之少息陳曰一日不紡則姑一日無食矣姑死親為覆土隣人哀其孝咸為之助乃克葬終身不

飲酒茹葷年七十四卒

陸基侃妻曹氏

程志御史曹光孫女適基侃基侃少失怙恃藉養兄嫂曹于歸時年僅十三基侃好擊劍

鬪雞事遊俠曹每泣諫基侃愴之至經年不相見未幾基侃亡曹年十九屢誓死晝哭夜紡歷十年如一日督課嗣子

上銘未幾亦天邑人哀之

呂治妻屠氏

程志屠百益女適治年二十八治歿事舅姑撫二子稱未亡人者三十八年

生員劉垣妾俞氏

程志疑重寡言笑年二十二歸垣閱兩載舉子甫週垣沒正室沈頗莊俞敬事如母

撫孤苦守至六十二歲卒

朱呈祥妻沈氏

程志年二十歸呈祥二十八呈祥歿沈熒熒子立力不能舉殯即停柩寢所食必置棺上

晚卧棺側遇大風雨以傘覆其上震雷則呼夫數聲侍立其旁越三十四年始獲葬饗殮不給冬無重衣人共哀之沈處

之若夷乙丑夏署知縣王某造廬旌之

陸光耀妻陳氏

嘉興府袁志歸光耀三年而寡孝事舅姑撫遺腹子成立歷五十餘年卒

張觀吉妻沈氏

程志年二十九觀吉沒翁年垂老繼姑在堂孤兒應瑞甫週歲沈剪髮爪貯棺誓死無他

越六年翁以毒死家故素封攘臂者皇皇沈內事繼姑外禦諸侮言動循禮堂構無恙年六十餘卒

屠紹慶妻張氏

程志參朱志年二十一歸紹慶纔三載紹慶以疾卒無子張事姑如母朝夕不忍離三十

年如一日姑亡日夜悲號遂癆瘵不起

顧某妻薛氏

程志參朱志年十九夫亡無子冰貞矢志所遺產苦不供朝夕薛已食糠糶以甘旨奉姑生養

死葬克盡婦道以終

馬之驥妻張氏

程志之驥早世張年二十五孝事姑嫜勤課諸子蔬布粗糲足不踰闕者數十年

馬維德妻孫氏

嘉興府吳志少寡撫孤守節五十餘年年八十外卒

廩膳生俞恩光妻嚴氏

嘉興府吳志恩光亡撫孤守節三十餘載督撫彙題請旌

胡培妻劉氏

嘉興府志年二十一守寡紡織養姑七十一歲卒

按嚴氏劉氏程志不載朱志書竣續入故列于諸節婦後高張二志遂誤入

國朝考俞恩光係萬歷九年入泮則嚴氏自當屬明胡培雖無可考然府吳志俱改列前明必有所據今從之

陸啟溶妻曾氏 嘉興府袁志叅朱志年十七守寡哀慟喪明撫孤成立七十一歲卒

生員沈麟徵妻徐氏 嘉興府袁志麟徵亡遺孤彪甫七月翁姑相繼歿徐拮据營喪葬守節四十六

年及見四孫五曾孫人謂苦節之報

生員朱家柱妻沈氏 程志叅朱志年十八適家柱二十八家柱卒無子繼子廢產過半尋病故慨然

曰立繼以永祀也今之求繼者盡貪產耳產盡而窳盛不供謂先靈何乃以所居為朱氏世祠續置已產供墓祭祖遺田

則伯叔氏及諸姪分掌之經書有條苦志三十六年如一日

沈紹侃妻黃氏 程志纂年二十紹侃天無子家貧甚藉十指以給值歲荒糠粒不繼矢死靡他守節四十

餘依慕傍室以終

生員俞王言妻馬氏 程志御史馬肱元孫女合卷未幾王言以疾逝哀毀絕粒三閱月卒年二十一

蔡某妻曹氏 程志諸生蔡炳勳母年十六歸蔡越三年夫居父喪過毀得羸疾籲天願以身代竟不起時曹

年十九營夫葬掘地五尺許得一鐵環曹號曰君德如環妾志如鐵敢不從君九原遂絕粒姑力諭之強起承歡延師教

子比姑病篤焚籲如夫病時迄沒哀毀骨立卒年五十陸應陽為立傳

陸大權妻馮氏 程志叅朱志大權光祿萬源子大權故庶子早夭大權生母胡相繼死馮殯葬盡禮無子

撫大權胞妹如已女比翁姑歿馮兼誨其叔勵志苦節支持門戶者數十年

嘉興生員戴裕津聘妻趙氏 一統志叅程志進士趙邦秩孫女許字裕津裕津以力學聞未

婚而沒趙脫簪擗踊誓不再生盡出衣飾歸夫家營兩穴穴成闔戶自縊母排闥救之不食但以手叩胃呼往嘉興者三

遂絕時秋熱就殮顏色如生遂合葬事聞奉旨建坊旌表

沈某妻俞氏 程志封工部員外俞金女嫁于沈十六歲夫死無嗣依父母以居苦守七十年卒

生員俞懋賢妻劉氏 程志二十四歲懋賢死無子撫嗣子允承成名克盡養葬亦氏節所感云

孫汀妻張氏 程志年二十七汀死子枝茂甫四齡勤督就學篝燈夜分不休殮葬舅姑以禮年七十三卒未

葬值火災枝茂撫棺號哭  
火尋滅人謂節孝之感

海鹽吳中宰聘妻王氏

海鹽圖經參程志王昌祚女生員王昂妹也幼字中宰未嫁中宰亡王年

十七初未識夫面夜忽感夢天明遂聞變哀痛誓死辭父母歸吳守志後哀至輒絕口不食不數年死海鹽知縣何某表

之日聞貞矢節

陸在德聘妻曹氏婢陳氏

程志曹氏曹如達女八歲能讀女訓時同邑陸夢周子在德方幼讀

書目十行下如達見之曰此子也慧我女之遂訂姻在德稍長甫議親成禮以疹天曹年十九聞訃星馳哭臨視棺殮畢不肯歸誓死以殉其姑委曲開示曹曰氏恨不能以死全婦

道其以生補子道可乎遂蓬首斷葷與所攜婢陳氏朝夕績紡夢周故奇貧不能為子卜窀穸曹積十指所餘

費葬之年六十餘卒陳婢感其義亦終身不嫁

生員陸萬陵妻吳氏

程志萬陵死子大祺甫髫年哭父亦死吳親負土以葬鄰姬得富人賄百計迫

脅斷一指拒之苦節終身凍餒大半年七十卒

生員陳龍馭聘妻錢氏

程志朱志名冰生員錢澹女少端靜聰慧五歲習女紅受內則孝經通

曉大義稍長從外祖項冬完所見項貞女傳贊嘆不已頃心異之許字監生陳臯謨子龍馭年十七補諸生將成婚

忽病瘵死訃聞錢痛哭濱死者再父母救得免盡易縞裳將奔喪以母病止後三年龍馭將葬潛著母髻拜堂下必欲會

葬父母度不可已乃具舟行入墓道憑棺號哭淚湧繼之以血葬竣遂入陳門翁為立後以遂其志

蔣元瑛妻鍾氏

程志嫁未淡歲元瑛死每祀其夫輒手製新衣與嫁時衣及夫所衣舊衣雜焚之焚畧盡

鄰媪咸讓之曰奈何不為日後慮鍾不答已而元瑛葬有期請於翁姑願作新婦塚使同穴姑慰之曰兒年少那慮及此

不許亦不復請葬前夕有會葬者來鍾故善治具設核皆出手裁夜分眾稍息及晨啟扉則已投緘死矣

過孝婦

程志年二十歸沈思孝家故貧思孝就館他氏過盡廢已奩以奉翁姑歲荒已嚼糠粃而甘旨不缺姑亡

將葬過病甚幾不能送號哭強起沉疴立痊

周蘭秀

橋李詩繫字淑英一作弱英江南吳江周應懿女孩邑生員孫愚公之室也其母沈媛著聲香奩淑英秉



其家學雅善吟詠有春日午浦舟中詩芳草重重綠遶坡遊  
情澹遠欲如何無端純弱因風墮是處桃花映水多榜女自  
依烟渚笑林鶯初到客樽歌山光為共春光醉歸櫂沿溪一  
透迤王端淑稱其出口妍冷自非凡品有榮花遺稿未刻  
朱傳妻倪氏嘉興府袁志參朱志年十九適傳二載傳以賈  
遊歿于楚奉姑撫子會族人欲奪其志持刀手

刎隣里驚救知縣江環  
旌其門卒年八十二

監生沈瑞鑿繼妻陸氏朱志瑞鑿初娶陸基誠女無子復娶  
于陸則嘉善陸見池女也生四子二

女皆幼瑞鑿以弟亡獨居鬱邑遂不起陸年二十九家難外  
侮紛然見凌陸提襁裸之孤上奉尊嫜持家整肅家中落忍  
寒作苦手足皸瘃泣涕零亂沾灑機杼  
間三十餘年遂成奇節至六十二卒

生員沈瑞鑿妻張氏朱志蚤歲矢節知  
縣賴垓旌曰節壽

孫獻策妻金氏朱志獻策早亡撫二子至七十卒知縣羅  
尚忠旌其門按節孝祠木主孫作沈

楊悌繼妻褚氏朱志悌元配徐氏生二子褚年十六歸悌亦  
生二子長邦慶次序二十七而悌故慶序皆

幼兄嫂謀壓之席捲其貲褚朝  
夕流涕課子成立年七十八卒

嚴詠妻陸氏嘉興府袁志參朱志詠卒陸年二十八遺子簡  
方五歲陸內外拮据賴以成立諸孫濟濟艱辛

五十六年年八十五  
卒學道陸舜旌之

陸潤黻妻林氏潤黻子樸妻朱氏朱志潤黻亡林年二十四  
撫孤樸成立樸又卒樸妻

朱氏與姑營葬三世六棺並舉  
林姑倪氏妯張氏亦孀居矢節

毛應鑾妻沈氏朱志生員沈邦佐女年二十八應鑾客死嶺  
海翁姑繼歿家奇貧撫遺腹至六十歲卒崇

禎七年巡按  
蕭某題旌

生員沈猶龍妻孫氏猶龍子符妻孫氏朱志猶龍亡孫年二  
十一課子廷史彙符

皆成立符早卒妻孫氏亦年二十一  
同矢節直指達部賜旌年七十七卒

張洪遵聘妻顧氏朱志幼字洪遵年十七未婚而洪遵天討  
聞欲哭臨給父母以三朝當歸遂留夫家

不一載翁姑嘗逐之志益堅至五十七卒知縣賴垓旌之

陳紫垣妻陸氏朱志生員陸宏鍾女年二十七紫垣歿七日不食父強起之破衣垢面五十餘年崇禎壬午有司旌

曰孝節

沈宏恩繼妻龔氏朱志年二十三而寡至八十四歲卒知縣蕭鳴甲旌之

全官妻陸氏朱志年二十一官亡至七十入歲卒知縣羅尚忠旌之

吳大成妻吳氏朱志大成早卒守志四十餘年監司霍某巖院雷某旌其閭

張維城妻倪氏嘉興府志父乏嗣贅維城生子三月維城卒父又死經營喪葬撫孤有成得龔乍浦所

鎮撫署縣事齊某旌之

生員袁萬域妻唐氏萬域子養醇妻沈氏妾林氏嘉興府志吳時唐氏年甫十九遺孤養醇纔六月唐撫教成立娶媳沈氏既而養醇亦早卒妾林氏生二子並在襁褓姑媳孀孀相依

死守者五十餘年郡守而下咸造廬旌表人稱袁氏三節婦

陸鏗妻力氏嘉興府志參乍浦志力氏陸倣尸力一號幾絕教倣孟復讐竟以叩閭得雪人服其節義一女適金十九而寡嚙指自誓依母以苦節終

彭夢杞妻顧氏嘉興府志參朱志夢杞以羸疾卒子之傳從事姑以孝勤于操作每寒風凍瘃指血淋漓艱辛五十年知縣龐霽旌其門同里布政陸之祺為墓志

生員姚世直妻莫氏嘉興府志嫁未三旬而寡事姑極孝姑死孫復殤莫艱苦備嘗年七十五卒

舉人沈杞楨妻鄭氏嘉興府志纂年十七歸杞楨杞楨二叩扉者三叩三謝曰誰獨無婦吾寧為此薄倖事耶及卒鄭年纔十九無子勵志守節有賢者操撫伯氏萃楨子日勗為嗣發居六十年家政肅然知縣

朱之翰旌其廬曰蒼栢凝秋

劉苑妻張氏朱志年三十內苑亡不食死

人物下

人物下

人物下

人物下

沈燿妻張氏 朱志年三十內 燿亡不食死

馮幼舒妻吳氏 嘉興府袁志年二十六幼舒亡家貧無子 織維營葬長齋茹苦守節三十三年卒

馮耀晟妻謝氏 嘉興府袁志年二十九耀晟亡 撫孤妻詢成立守節三十年卒

生員沈昊麒妻洪氏 嘉興府吳志守 節四十年卒

生員張叔峴妻朱氏 嘉興府吳志守 節四十三年卒

按以上四人舊邑志皆不載今從府袁志補吳氏謝氏府 吳志補洪氏朱氏洪朱二氏省志有名無傳吳謝則并逸 其姓氏年代無 徵附此俟考

王學古妻徐氏 嘉興府袁志參朱志以賢淑聞明末避兵虹 霓堰被執徐曰我名族肯從汝耶兵張弓脅

之厲聲罵遂遇害時酷暑閱十日獲其屍顏色如生知縣 朱之翰上其事巡按某題 旌陸啟滋趙韓有王烈婦篇

生員俞光翼妻陸氏 嘉興府袁志參朱志陸宏鍾女歸光翼 居章蒲灣家奇窮不聞交謫明末遇兵

執至教場陸曰吾頸可斷身不可污遂被創死懷有幼兒遠 尸而啼夜猶吮乳不置行道為之雪涕巡按秦世楨題旌

董學圮妻劉氏 嘉興府袁志參朱志生員劉覽女適學圮年 甫十六避兵鍾鎮遇兵艘於途劉躍入水學

圮悲痛亦赴水死明 日兩屍相抱而出

林泓妻沈氏泓弟某妻徐氏 朱志沈氏與徐氏俱避兵逃竄 沈先遇兵其翁匿稻塍中間沈

呼速殺我乃出拜曰請宥我家佳婦兵嗤而槩之遂絕沈亦 被創死復相傳一婦攜幼女溺水死泓弟驗之則其婦徐氏

也尚持女不去懷下裳百結不能解泓妹為江雲婦質健似 男子兵掠之以頭觸刃入骨半寸許錚然有聲兵舍之得不

死施洪烈 撰雙節傳

生員俞醒妻陸氏醒子欽亮妻徐氏 朱志陸氏與徐氏遇 兵俞家帶同赴水死

馬二妻楊氏馬某妻陳氏 朱志楊氏居李墩兵入境驅之登 舟即投河死明晨與馬慕南孫媳

陳氏二屍 俱浮出

生員楊春綠妻吳氏

朱志美而賢城破兵欲汙之吳以手攫兵面面破兵以刀斫兩手去罵不絕復

割其舌猶喃喃作聲乃以鎗刺之遂斃時年二十

生員陳銘妻戚氏

朱志避難吳滙兵執其夫戚號呼出救兵日爾從我當釋爾夫戚遂揮手令銘去既

遠度追者弗能及乃隨兵行至一小橋自投于水兵急持其足戚抱橋柱以身沒水兵怒以鎗攢殺之

陸宏錦妻盛氏

朱志兵至慧華菴側投于河身被數鎗而死

費孟韜妻馮氏

朱志與母孫氏遇兵並投松風港夫以手拯之日不欲全我節耶遂溺死時年二十九

奚允佳妻李氏

朱志聞兵變預縫衣襟刺一人字於臂以為誌兵至投水死

馮某妻陳氏

朱志居白潭遇兵變母女匿後畦被獲陳不從遂殺其母日爾如之陳日寧死如母必不去兵

連斫七刀而斃

石天球妻查氏

朱志居灣梁涇遇兵變與姑同避棘中姑雙目瞽兵自棘外行斂菽有聲頃之姑問日兵

遇否婦急掩其口兵聞聲復返搜得之查雄建有力與之角時兵不挾刃持挺擊之查終不屈久而始斃

生員倪遷繼妻陳氏

嘉興府吳志生員倪嗣調母乙酉遇兵投糖餅橋下死遷日擊不忍亦投水死

遷為生員力學自名其稿日誦耘書屋草孫生員煥藏于家

程青子妻彭氏

朱志年十九懷娠三月兵至大陸滙投河死

監生趙志家妾岳綠雲志家子其妻陸氏

朱志岳綠雲志家婢後納之志案死

年僅二十餘遣之嫁弗肯遇兵不屈被刺死志案媳陸氏亦投河死

劉擊生聘妻陶氏

朱志居虹霓堰許聘擊生年十三兵亂與兩嫂俱被執陶以手攀水車亭柱兵刀斫

其手更以足挽復斫其足遂仆地以刃貫胸而死

陸麟錫聘妻陳氏

朱志參政陳九韶孫女字陸長庚子麟錫十歲而殤陳亦十歲即立志守節坐卧一

樓中家人罕見其面兵亂城破被獲至廳事前抱柑子樹厲聲詬罵兵怒亂斫殺之猶抱樹不可脫時年三十一

吳烈女 朱志名鳳姐吳士璋女隨其母呂氏避兵橫河兵至被執負之行鳳姐嚙其項肉脫兵怒磔於道

周士馨妻郭氏 朱志結禱半載乙酉遇兵與夫同被執郭詐以取所藏金帛得脫謂夫曰勢難相顧各自

為計遠躍入水死兵怒加刃焉掠其夫而去夫後乘間歸

沈元圭妻顧氏 沈氏家乘年十八歸元圭及乙酉七月兵下元圭謂顧曰若自為計顧曰我志早決君無

慮也未幾游兵至顧躍入井中兵以繩釣出仰天大哭誓不辱兵知不可屈以刀環築之顧曰吾以頸血濺若刃得完節

地下足矣兵怒連斫數刀而死時年二十九

張豹烈妻俞氏 朱志生員俞君振女適進士張樞次子豹烈丙戌五月二十日兵勦白寇猝至張家西廊

下俞與妯娌匿竹叢中兵踵集諸婦驚悸竹搖動兵持炬至被執俞投以簪珥意不滿欲挾之去俞不從兵以刀環擊目

牽之出墻俞力躍墮塹兵復迫之攀樹呼曰若不速殺我終奈我何兵怒斫一刀即撲于地乃棄去時一婢伏樹杪熟視

其不屈狀趨下擁之氣微屬呼痛者再遂絕趙韓為立傳陸上瀾輓詩一時薄命總雲烟誰向秋霜唱可憐古戰塲成埋

玉地泉香國觀散花天六千短後隨潮遁十八長歌出塞還如此途窮堪歎否芳名獨藉大家傳按朱高二志但有張

豹烈妻俞氏無張蔚如妻俞氏府吳志始兩列傳省志及張志皆因之今考張氏家乘豹烈字蔚如而兩傳事又相類其

為一人無疑附辨以証舊志之訛

曹季臨妻蔡氏 張志年二十五遭兵難攜幼子走度不免投日暉漾死越三日抱子出顏色如生

按乙酉丙戌間烈婦殉難者自徐氏以下二十九人府袁志首採三人朱志增二十二人附見二人省志俱列入前

明謹遵其例張志又增入一人今從沈氏家乘中復補一人兵戈擾攘中婦人女子而能毅然不辱視死如歸有烈

丈夫風連類書之以見當時節義之盛

御史陸清原妾夏氏 嘉興府吳志吳郡夏汝明女崇禎壬午年十六歸清原又三年清原殉難夏無

子女聞變痛哭矢死靡他苦節四十餘年卒慈谿王治臯立傳

檢討屠象美妾楊氏 朱志象美死于兵諸姬皆竄去楊獨守志撫孤未幾子復亡為女傅以終

按清原殉難前明象美亦死于鼎革時其妾皆能貞不二之義可謂不愧其主故以為明列女殿云

國朝

生員楊淇園繼妻屠氏朱志明屠康僖曾孫女淇園亡無子撫前室女與己女及婢生女無異舊

居二十餘間比隣倪氏倪宦且富啗以厚價屠執不可後乘亂劫之以兵遂為所并康熙丁卯屠年八十九卒

按邑舊諸志

國朝

列女皆遞有增入但先後時代失序頗多一由於朱志之分節烈一由於高志之分已未 旌張志雖畧為挨序仍不免凌亂茲查舊存案牘不分節烈及已未 旌但以年齒為敘其父子舅姑名氏與夫嫁卒歲月有可考者詳為纂次俾各呈面目若母女姑媳之屬則為合傳間有原牒無存者仍採舊志觀者勿以傳文詳畧定優劣可也

監生施桂徵繼妻俞氏桂徵子生員明焯妻陸氏孫生員堪妻倪氏朱志纂俞氏明常德知府俞南金女年二十一歸桂徵事舅霖宇以孝撫前氏三子如已出已而復生子

究焯炳謨崇禎壬申桂徵卒俞年二十九矢志撫孤治家嚴肅其後孫堪為族人所誣俞親詣上官訟寃得釋卒年六十

七陸氏明御史陸錫命女崇禎壬午年十九嫁明焯奩資甚厚明焯好施與陸佐之無吝色順治辛卯明焯卒子二長堪次學陸年二十八持家訓子一以姑為法至六十四卒乾隆壬戌題 旌倪氏生員倪鑒女康熙癸卯歸堪年方二十至二十九而堪卒時俞已沒倪與其姑陸矢志食貧課入齡孤

欽瑜為諸生後欽瑜早世復撫孫元美元章漢璋皆成立卒年七十五乾隆庚申題 旌

趙晉錫妻胡氏浙江通志參高志太湖知縣胡士章女明天啓乙丑胡年十九歸晉錫二十六而寡撫孤

雲會甫遊庠復天胡率孀媳課孫之彌良珏皆為生員卒年七十雍正戊申題 旌 按題旌舊稿晉錫係儒童舊志作庠生

陸元甫妻謝氏朱志居廣陳元甫幼習儒不能耕遂貧甚及

勸之嫁輒不從至七十餘力敵不能操作往依於甥甥亦貧處之破屋半間康熙乙卯冬風雪中竟以饑寒死明日其甥

誤

人物下

排闥見之  
乃藁葬焉

生員沈瑞銘妻周氏

朱志年二十三瑞銘歿遺腹六月屢壓於伯姒周了無怫志至七十六卒順治

戊戌學道谷  
應泰旌之

顧元錦妻張氏

嘉興府袁志年二十元錦亡遺娠生子辛勤撫育姑性嚴厲張克修婦職得其歡心課子

瞻依早歲為生員年六十  
四卒知縣朱之翰旌其門

徐旻妻張氏

嘉興府袁志參朱志年十六歸旻十載旻亡子隆元僅五歲張仰事俯育拮据盡力康熙甲辰

巡撫朱昌祚學道  
胡尚衡並旌其門

監生陳夢庚妻馬氏

嘉興府袁志幼通內則女箴諸書及歸事姑以孝御下有禮夢庚遊國學不問

家計馬脫簪珥佐之夢庚死家貧馬執節撫孤  
三十年至七十三卒大學士杜立德作墓誌

生員曹璿婢徐春梅

朱志曹璿居戈溪年三十六婦亡逾月璿亦亡時璿有子女二人皆幼春梅年

二十餘不嫁以撫子女自誓僅存田九畝壻兄屢逼辱之志

益堅子女有過導之不應則泣曰我德若父母不忍爾弱息

擲於伯兒手故屈折若此爾其念諸然會不詬詈而加撻曰

我婢也安敢肆志於主之子女我特代陳義方其賢不肖則

天也勤苦十餘年家業稍聚為子女  
婚嫁畢卒年五十八時康熙乙巳也

戈中襄妻倪氏

朱志蘄水知縣倪籥元女適中襄入載中襄歿撫訓三孤姑病割股療之順治甲午巡撫

秦世楨學道王康侯並  
旌其門子三人皆能文

生員嚴從恕妻趙氏生員江深源妻嚴氏

朱志趙氏年二十四從恕亡止一女

族人欲奪其志不屈女長贅深源十年深源復卒遺孤二趙  
與女口授四書經義里中誦雙節焉歿年七十九其女先十

卒年  
沈旭妻鄭氏

朱志纂明海鹽鄭端簡曉曾孫女年十八歸旭踰年旭天撫遺腹子塘入郡庠塘年二十五復

天遺腹生孫又殤茹苦一  
生順治己亥卒年五十

過銘旂妻沈氏銘旂子某妻王氏姪生員澤永妻魏氏采志沈氏

年二十七銘旂歿子亦亡與寡媳王氏同居礪志至八十三卒銘旂姪媳魏氏嘉善御史魏廷相女孫亦少寡婉嫺端重

每歲夫忌日懸像祭祀必慟哭失聲家酷貧握冰履霜者四十餘年至七十三卒

沈以純妻吳氏張志纂明崇禎辛巳以純卒吳年二十八子日智甫四齡家故貧僅存奩產二十畝又為

姪某蕩廢無餘吳置不問但日勤十指以供餽粥順治戊戌吳疾篤日智以藥進諭曰向之不即死者徒以汝勿耳今汝能自立處固我初志也

言已遂順年四十五生員魯守貞妻王氏魯從周妻薛氏魯時隆妻朱氏采志王氏薛氏

並年二十四撫孤至七十餘卒朱氏亦孀居事姑訓子賢能尤著至八十餘卒皆簡肅後也

生員沈棻妾徐氏張氏采志順治乙酉棻罹兵難各撫一子四守節至六十卒張孫崑成進士官戶部員外

屠伯奇妻胡氏采志年十八伯奇天守節七十餘年未嘗歸母家弟來省者或不面其孤異如此

沈夢騏妻姚氏采志順治乙酉夢騏居城雁難姚與子鉉吉避兵清溪聞變號慟守節三十年至六十卒

劉乙妻某氏采志居新帶鎮東南果圩順治乙酉士寇猖獗不可耕且貧無子非行乞無以終身爾年尚少可別嫁母相

誤也婦驚曰子雖廢人我獨不能求食活汝乎遂貨其機杼什物得數金買一小舟移家其中載夫行乞於市市人義之

多所施與後數年乙亦能以左手搖櫓每從煙水蒼茫間望櫓在船後獨運左手呶啞而至者不問而知為劉乙夫婦也

當風日晴美泊舟汀渚濁酒一壺欣然對酌時往來平江蒼雪間或一歲數見或歲一見庚戌春夫婦皆皓首後不知所終

曹穎淳妻陳氏采志年三十二穎淳亡家貧三孤幼陳仰事俯育至五十九卒

倪秉元繼妻徐氏采志年二十八秉元亡守節課子至六十三卒

馮子穆妻王氏采志婚數月子穆亡年僅十六家貧無子女依父及兄嫂未幾皆歿與寡母毛氏撫姪王

人物下



成芳成立至 六十九卒

曹念祥妻李氏 高志纂李元卿女明崇禎乙亥李年十八歸念祥越五年念祥卒子永昌甫二齡李絕粒

累日弟伯韜勸以撫孤乃稍進食事姑周氏純孝家貧勤女紅度日課子極嚴及見孫聞學婚娶成立卒年八十三乾隆辛酉題

旌

倪三聘妻馬氏三聘弟三省妻王氏 朱志纂馬氏年二十九三聘歿守節至六十九

卒王氏三十歲而三省亡奉姑課子至五十八卒稱雙節焉

生員劉生直妻俞氏 朱志年二十一而寡家庭多故卒能孝事尊長撫立遺孤苦節至七十七終

朱之奇妻王氏 朱志年二十五之奇亡為翁姑及夫營葬教子成立次子又天復撫孤孫卒年七十八

鮑秉寬妻程氏秉寬子贈儒林郎連妻封安人程氏 嘉興府吳志纂

程氏程遂安女年二十歸秉寬秉寬世籍新安順治丁亥秉寬遊學海陵客死程年二十九貧困無以自存撫五歲孤連

册以義方稍長即命扶父櫬歸葬偕其子遷平湖連好學早世程與媳程氏謀孫玉瑞為生員旋貢成均卒年八十一乾隆戊午題

旌程氏年十五歸連孝事其姑嘗割股療姑疾學使彭始搏旌曰淑範嗣音

陸棻妻陳氏 朱志年二十五棻死無子勵志守節至七十四卒

生員楊景煜妻葉氏 朱志二十一而寡遺孤兩月撫之成立至五十一卒康熙癸丑學道陸舜旌之

生員張琳妻郭氏 朱志年二十七琳亡無子奉翁命繼姪光震族羣爭之家遂貧年六十三卒

生員顧炎妻屠氏 朱志生員屠猶龍女年二十八炎亡遺一子三女子殤會父以事繫獄論死屠日夜

號慟傾家救父年五十八卒

生員林楓妻楊氏 朱志纂年二十四楓歿子喬甫二齡楊冰藥自矢曾積五百金捐建浮屠一級又斃

龍湫石磴至八十卒知府吳永芳旌其門

朱士選妻張氏 高志纂張鴻遠女順治乙酉張年二十歸士選三載而寡無子以夫弟路子緩為嗣矢志

守節孝事舅姑父歿無嗣歲時祭墓弗替有妹嫁於殷貧甚周恤備至級早世又撫孫為霖為監生卒年七十七乾隆癸亥題旌

陸澹默聘妻過氏朱志生員過季商女幼字澹默喪母無恃適陸為養媳靜默寡言笑澹默殤過抑鬱

飲泣尋卒合葬於六里墩

海鹽劉某聘妻曾氏朱志參乍浦志乍浦曾宏功女許聘海鹽劉氏子劉甫弱冠以羸疾卒曾聞訃

不食者累日請於父母欲送葬憑棺一哭因乞身廬墓為尼不許久之罹奇疾卒

戈洽枚妻呂氏高志纂生員呂懋振女髫齡喪父哭失明後遇神醫而愈順治乙酉呂年十九歸洽枚孝

事舅姑姑徐氏病卧床席者兩載侍奉不倦甲午洽枚卒呂仰事俯育教子定讀書遊庠卒年六十一乾隆丙寅題旌

生員沈昶妻馬氏朱志纂年三十和亡子璜甫九齡馬治家嚴肅撫橫成立遊庠至五十七卒

陸之美妻徐氏朱志年二十三之美亡撫孤時行至六十一卒

金煥妻孫氏朱志明孫簡肅植曾孫女年二十煥亡撫遺腹孤手刪傳註訓之以壽終

潘仁妻王氏仁弟智妻沈氏朱志王氏沈氏住虹霓堰俱於二十外守志共撫一子年六十

餘卒

贈檢討嚴峇妻贈孺人劉氏朱志纂連江知縣劉希夔女歸舉人寅子峇後寅客死東粵家

徒壁立劉盡脫簪珥奉事孀姑順治乙酉峇病夭劉年十八欲從死姑曰汝有遺腹不如立孤既而生子思位值歲饑劉

日織一布易米數升以給僅存田十畝又為勢家所奪坐是益奇貧日雜糠覈而食以經書口授其子苦節四十二年思

位成進士官檢討康熙辛卯題旌

監生陸壽龍妻馮氏朱志纂海鹽進士馮子遜孫女順治乙酉馮年十八嫁壽龍二十而壽龍卒遺

腹生子裕昭撫養成立課之為生員至五十六卒學道劉某旌之

馬蒸妻王氏馮某妻王氏嘉興府吳志王氏王來聘女結褵十八日蒸亡依姑母馮王氏同守

節年九十餘卒御  
史陸炯題曰雙節

生員金光宸妻沈氏

朱志舉人沈日昆女順治乙酉春光宸

清溪光宸居虹霓堰罹兵難沈晝夜  
號慟事姑撫繼子苦志三十餘年卒

王爾榮妻吳氏

朱志爾榮負金陵客銅價客往索詬詈備至  
吳憤自縊死時順治庚寅也知縣劉秉鈞旌

日帷簿  
干城

生員胡奕謨妻倪氏

朱志參張志副使倪壯猷女賢而孝兼  
通文墨年三十奕謨亡課子右寅右宏

俱有才名守  
節五十年卒

沈敬山妻施氏

朱志城中民家女九歲撫於外祖沈思椿十  
七贅敬山六年而敬山歿思椿貧且有癘疾

欲施改適不從紡織以贍久之思椿益貧密擇富兒  
受聘隣人洩其言施遂服溲死時康熙己酉三月也

生員倪洵庚妻張氏洵庚弟生員洵甲繼妻鍾氏生員洵徵

妻馬氏

朱志纂張氏張璠次女順治戊子張年十九歸洵庚  
二十三而洵庚歿遺子本寧甫匝月張撫孤守志孝

事舅姑已而舅姑歿兩叔相繼亡張率兩姒拮据喪葬盡禮  
盡誠課本寧成立為監生修祠輯譜以敦族稱年五十四卒

鍾氏海鹽諸生鍾鳴遠女順治戊戌鍾年十九歸洵甲為繼  
室越五年而洵甲亡撫前氏子彰采為監生飲冰茹蘗垂四

十年至六十卒彰采事繼母以孝聞孫見龍成進士官知縣  
乾隆辛酉與張並題旌馬氏年十八適洵徵康熙壬子洵

徵歿矢志貞守課子亮采為生員年五十七卒初小姑嫁胡  
某早寡而貧馬為建靜室歲給米膳之小姑歿改靜室為送

菴

過澤洽妻時氏

嘉興府吳志參高志順治丁亥時年十八歸  
澤洽越十年而澤洽歿二子崧崧俱稚齡撫

育成立相繼遊庠歷數十年布衣蔬  
食至七十三卒乾隆丙辰題旌

趙永吉妻施氏

浙江通志參嘉興府吳志事姑九年以孝稱  
姑死永吉哭母卒施年二十五哀毀絕粒母

呂氏暨族人勸以撫孤承祧大義乃雪涕強食鞠永吉兄  
子良嗣為子教訓成立冰操五十年康熙丙戌題旌

生員戴上恩妻周氏 朱志年二十二上恩歿撫孤成立守節三十餘年卒

監生沈懋嘉妾王氏 朱志年十八懋嘉亡無子依嫡出兩寡媳三十餘年卒

何士彥妻張氏 浙江通志年二十四士彥亡撫孤肇昌成立守節四十八年卒康熙丙戌題旌

生員張渭妻金氏 嘉興府吳志纂金伯城女順治甲午金年二十一歸渭二十八而寡矢志不移家貧勤十指自給事姑沈氏盡孝撫四齡孤椀成立及見有孫二人曾孫六人孫光讀書遊庠卒年八十八雍正戊申題旌

曾廷彥妻錢氏 張志纂石門錢景洪女順治癸巳錢年二十歸廷彥少精女紅家貧以針紉所易費供日計無缺二十六而廷彥亡遺孤繼會甫五齡錢矢志撫孤每進膳強為歡笑以慰舅姑心姑日病瘠累年錢以舌舐之而愈人稱孝感卒年八十

徐國榮妻方氏 嘉興府吳志纂方侍山女順治庚寅方年十七歸國榮明年國榮卒遺腹生子玉瑞伶仃孤苦撫至成立歷五十三載言笑未嘗露齒事舅姑極孝舅奉溪卒哭盡哀越十年姑方氏病晝夜侍奉目不交睫者百

日及病革連稱孝婦者三乃絕年七十一卒雍正壬子題旌

張某妻李氏 乍浦志年十八歸武生張晃子某夫亡事翁如父菽水貧悉出十指力撫一孤方婚復天冰操

五十餘年卒

及文遴妻沈氏 新纂沈宗周女順治乙未沈年十九嫁文遴二十九而文遴卒遺孤肇經甫四齡沈誓以身殉夫兄文遂以撫孤大義責之乃止肇經為監生年四十四患心疾不能理家政沈並撫其孫垂讓克讓成立康熙辛巳學使彭始搏旌

日懷清比潔

生員何士傑妻王氏 浙江通志結褵歲餘士傑亡生女僅五

營窻安立嗣承祧女嫁早卒又撫外孫

張孝婦 嘉興府吳志纂古狂隨筆少聰慧術者皆云不壽且無子張曰修短雖有定數禍福惟在人求遂立心行善長歸鴻緒相夫孝養舅姑周旋妯娌無

問言後生六子年七十九卒人稱孝婦

人物下

三

三

三

三

三

陳孔彰妻潘氏

新纂順治丙申潘年十八歸孔彰孔彰為父所志中年所得子父業醫見父年逾艾思代

厥勞日夜求精其術竟病瘵而卒時結襦甫逾年也潘矢志守貧無遺腹子永搏紡績度日機聲嘗軋軋徹夜姑蔣氏治

家嚴毅稍不懌潘輒長跪竟日命之起乃敢起鄉人以爲難其後永搏長仍業祖業一鄉稱能手得藥資即以奉母故潘

晚年家稍稍温飽然猶力作不倦卒年五十六陸子鑣訪

監生何遠妻趙氏遠子某妻王氏

嘉興府吳志遠卒時趙氏年三十翁姑垂老遺子均

未成童趙孝慈並至上下無間言既而長子亦天借媳王氏相依守志數十年至九十二卒學使旌其門曰雙節

增廣生吳光遠妻馮氏

高志纂順治丙申馮年十七歸光遠二十一而光遠卒無子馮矢志守節

孝事舅姑撫三齡孤女以嫡姪現為嗣教養成立貢入成均卒年六十八乾隆丁巳題旌

楊烱妻沈氏生員沈南英妻楊氏

高志纂沈氏封知縣沈原

歸舉人楊兆梧子烱姑性嚴先意承志深得姑歡二十七而烱卒遺子九雲八齡女三齡沈矢志撫孤食貧茹苦課九雲

為廩膳生九雲生子剛中依中幼而失恃沈復親鞠其孫楊

氏即沈女年十五嫁南英康熙辛酉南英卒楊年十八無子夫兄次子生甫數月撫以為嗣教育成立沈卒年

七十九楊後其母五年卒乾隆丙辰並題旌

錢涓

橋李詩繫字襲文薛振猷媳有抱雪吟一卷自為序山雨詩云晚結陰雲日不輝霽霽雨透濕羅衣窗前萬綠

渾如洗坐看巒烟夾岫飛

生員施濂妻陸氏

新纂順治戊戌陸年十八嫁濂明年濂卒陸矢志撫孤卒年七十四馮錫貴訪

沈生甫妻周氏

宋志參乍浦志年二十一適生甫一載生甫歿無子姑嫜憐之探其意凜不可易乃歲餼

釜鍾為膳歸依父兄姑嫜歿廩粟不繼茹荼坎軻不顧也年逾七十紡績食力如故守節五十餘年卒

生員陸蘧桓妻吳氏

新纂順治庚子吳年二十適蘧桓二十七年而蘧桓卒遺孤甫三齡吳矢志不渝

家貧親操井臼孝事其舅撫孤成立年五十一卒陸子鑣訪

朱烈女

一統志母亡居喪次其姊婿入帷欲汙之遂自經死宋志土人名其墓曰阿姨墩

劉輔俊妻柯氏嘉興府吳志纂結禱未久輔俊亡撫子成立守節數十年至八十外卒康熙辛丑知府吳永芳旌其門子士淳有孝名

施璲昭有詩一卷未刻秋閨詩云滿院梧桐帶翠凋竹窗疎而濕芭蕉西風吹遍空

生員葉玉珂妻吳氏新纂順治庚子吳年十九歸玉珂二十而玉珂卒吳矢志撫孤時姑邵氏年

邁曲盡孝養及歿喪葬皆盡禮年六十

九卒其後子歿孫亡遂絕何永奉訪

孟世英妻吳氏嘉興府吳志纂順治己亥吳年十八歸世英十載而世英卒吳勸絕復甦矢志撫孤孝養舅姑歿則為卜地嘉善以葬教子其鑑其餘有成康熙壬申族有以祠田鬻於人吳倡捐金五十兩贖回以供祭祀自奉至儉而好周貧乏宗

黨稱之卒年六十八

陸韜妻徐氏嘉興府吳志纂明華亭徐文貞元孫女順治庚子年十八歸韜二十六而韜卒遺子秉衡甫周

粹徐矢志守貞課子讀書為貢生執翁姑喪克盡

婦道康熙乙酉徐年六十三題旌後十年乃卒

施漢易妻陸氏高志纂順治庚子陸年十八歸漢易未期年漢易歿無子家故貧事繼姑呂氏盡禮後依弟陸德山德山亦赤貧陸恃十指為活足不出房戶苦節六十二年卒

許贊玉妻盛氏高志纂康熙甲辰贊玉歿盛年二十二閉居一室足跡不入中庭至戚罕睹其面撫遺腹

子源教養成立知縣呂猶龍旌曰貞持足

表知縣王瑋旌曰栢節雙凝年七十七卒

張甸妻徐氏朱志甸亡徐年未三十撫子成立守節至五十外卒

王臣九妻金氏朱志臣九亡金年未三十撫子成立守節至五十外卒

徐觀亨妻沈氏朱志觀亨亡沈年未三十撫子成立守節至五十外卒

戴子仁妻魯氏朱志子仁亡魯年未三十撫子成立守節至五十外卒

俞君達妻王氏朱志君達亡王年未三十撫子成立守節至五十外卒

張鳳翰妻鄔氏 朱志鳳翰亡鄔年未三十撫子成立守節至五十外卒

鈕應元妻張氏 朱志應元亡張年未三十撫子成立守節至五十外卒

屠百齡妻張氏 朱志百齡亡張年未三十撫子成立守節至五十外卒

廩膳生陸澄明妻吳氏 朱志澄明亡吳年未三十撫子成立守節至五十外卒

張班妻胡氏 朱志班亡胡年未三十撫子成立守節至五十外卒

生員姚鴻遠妻于氏 朱志鴻遠亡于年未三十無子守節至五十外卒

曹鍾穎妻錢氏 朱志鍾穎亡錢年未三十無子守節至五十外卒

王瑞寰妻金氏 朱志瑞寰亡金年未三十無子守節至五十外卒

按朱志創類敘之法意謂本於史例不知邑志採風宜較詳盡若誇一時筆削謹嚴使苦節懿行盡從簡畧久之必致并削其姓氏今嚴氏等六人另見他志已補傳挨序至徐氏等十三人年代事蹟無可復考不得已改為分行各

注附列于此使其姓氏皎若列眉聊存什一于千百耳

沈仰日妻陶氏 嘉興府吳志年十六歸仰日越九載仰日以事嫡姑二十餘年尤謹卒年七十六康熙丙戌題旌

余方洲妻程氏方洲子具瞻妻胡氏敬揚妻孫氏婿程吾平

妻余氏孫佩金妻孫氏 高志纂康熙元年壬寅程氏年十九歸方洲十一載方洲卒遺子二長具

瞻次敬揚女一皆幼家奇貧勵志撫孤胡氏年二十二歸具瞻二十八而寡孫氏年十五歸敬揚二十二而寡具瞻無嗣敬揚有子佩金妯娌矢守奉姑終身女年二十一嫁吾平至二十七而寡無子歸依其母母女娣姒磨腐為業食貧茹荼數十年已而佩金長娶女孫氏孫年十九逾年生子基甫三月而佩金又亡時康熙癸巳程年且七十矣後六年卒胡年五十四余年五十七亦相繼亡雍正壬子癸丑間歲大饑孫與其姑孫食糠粃度日始終不渝姑年五十三卒孫獨支門戶撫基成立年踰五十猶操作不置云陸微蒹葭園余氏五節婦歌有婦有婦蒹葭園三十七夫遺二兒辛勤直共鬚眉

亞廿年娶婦期年寡重將夫淚哭兒亡腸斷還將季子償天  
嬌二八方成禮太息兄災復延弟雙雙各抱藐焉孤不省人  
間有丈夫女亦于歸失良偶無兒可守依孀母青燈茹屋磨  
牀聲涓滴銀漿和淚或白頭努力青鬟佐遍歷飢寒長孫大  
長孫受室寡良宵悲餘相慶還相勞是時老婦年七十堂前  
一笑孫兒立豈料天心終不移又教少婦守空閨從此哭孫  
兼哭子白頭遂以憂愁死伶俜女婦互相依娣老妪亡家益  
微厥今禾稻連年惡珍錯家家噉糟粕熒熒兩世未亡人筋  
骸定作蒹葭塵吳君昨過松間說匣屋松風  
清且冽一門五節何呼嶸鳥頭佇企他年旌

生員施溶妻俞氏 新纂康熙元年壬寅俞年十九嫁溶事繼  
姑盡禮二十七而溶卒家極貧俞矢志不

移課子天相為生員撫二女成立遣嫁備嘗艱  
苦晚年兩目皆失明卒年七十五賈朝琮訪

沈觀日妻韓氏 新纂順治庚子韓年十七歸觀日事舅盡孝  
二十八而寡無子自縊者屢為家人救甦乃

嗣其姪載菴督課遊庠載菴又歿復立  
監生之錚為嗣卒年七十三沈國樞訪

貢生陸聖菴妻沈氏 嘉興府吳志年十八歸聖菴未幾  
聖菴歿無子冰蘖自持者五十載

生員沈信妾姚氏王氏 嘉興府吳志信卒時二氏俱年少無  
子誓死不嫁相依守志者四十餘年

胡士方妻張氏 嘉興府吳志年二十六士方亡無子家  
徒壁立苦志三十餘年陸國圻有傳

胡某聘妻倪氏 嘉興府吳志參張志生員倪鑒女性至孝少  
字同里胡氏子未婚夫卒倪誓不改適茹素

終身年八十餘卒

趙昭 橋李詩繫字子惠吳都寒山隱君女祖母陸卿子母文  
端容俱擅詞翰之席昭能嗣其美適邑生員馬班性好

煙霞嘗葛衫堆髻自擬道民班強之不克會班亡命昭遂入  
空門更號德隱結庵於洞庭西山中香林隱影二十餘年亦

吳越間一奇女子也有侶雲居遺藁弄珠樓志昭初適班嘗  
索觀詩文班以父萬方作誑之昭厭其凡俗萬方怒令遣還

之班死昭走視含殮後萬方遁跡寒山  
昭極盡孝養病卒攜棺合葬馬氏祖墓

監生朱堦妻沈氏 新纂監生沈公朗女康熙丁未沈年二十  
二歸堦已卯六月堦父生員飛遠病歿堦

哀毀成疾踰月而亡遺子三沈矢志撫孤課導有成營葬先  
世無失禮初堦幼失恃其從伯母王氏撫育數年沈既歸歲



必迎養數月執禮甚恭苦節三十五年卒何永溱訪

生員馮標妻劉氏嘉興府吳志年十八歸標未幾標歿守節五十餘年至七十八卒

沈本然聘妻陸氏嘉興府吳志未婚本然卒陸遂往夫家獨處小樓屏去鉛華歷四十餘載不改其操

善事舅姑生養死葬無不盡禮邑令旌其門

生員王肇基妻陳氏浙江通志參高志陳緒章女康熙乙巳年十九歸肇基越五年肇基亡不半載

舅姑相繼歿疊遭死喪旁無伯叔陳傾貲以營喪葬時遺孤朝正甫數月焚焚無依卒能撫訓成立及見孫元士曾孫振烈輩讀書自好無忝教育年

八十卒雍正已酉題旌

張嗣森妻徐氏徐德隅妻張氏高志纂嗣森明福建鹽運副使行采曾孫康熙丙午徐氏

年十九歸嗣森二十八而嗣森歿遺子日炎八齡女六齡家貧僅有田四畝徐矢志守貞事姑楊氏盡孝撫日炎長成娶婦生孫四筠壘增培皆親為教育卒年八十一乾隆癸亥題旌增後以父兄早世弟培又瞽力於賈以佐弟姪終身不娶

閭里高其義張氏即徐女康熙已巳年二十歸德隅四載而德隅歿無子家甚貧誓死不移值歲饑朝夕操作以奉舅姑及歿拮据營葬歸依其母二十餘年後以夫從兄東郊子二為嗣又天依姪培廷以老乾隆乙丑題旌後六年乃卒

生員沈玠玉妻張氏高志參沈氏家乘生員張原泓女康熙甲辰張年十七歸玠玉二十四而玠玉卒遺孤修齡生纔六月張將絕吮舅姑諭以撫孤大義乃勉

啜粥靡辛勤鞠育課修齡為郡庠生有欲為請旌者含泣止之曰婦以節著最屬不幸敢違心而博名乎卒年五十五乾隆癸亥題旌

馮俞言妻沈氏俞言子紀常妻胡氏張志纂康熙戊午俞言卒沈年三十撫孤紀常

成立娶媳胡氏及乙酉紀常復卒胡年二十九遺孤堯眉方襁褓姑媳相依共勵冰霜恩勤教育沈卒年八十胡後姑二

十五卒

范公烈妻舒氏嘉興府吳志年二十九而寡躬紡織撫遺孤

觀成艱難備嘗得以成立苦節四十餘年卒

陸某聘妻曹氏嘉興府吳志幼字陸氏子未婚夫天曹聞變即號泣奔喪既葬獨居一室足不履闕歷五

年卒

十餘載同居者未嘗睹其面其婢為所感亦終身不嫁邑人競傳其事按本傳與明陸在德聘妻曹氏傳大畧相同疑是一人然年遠無徵不敢臆斷姑存俟考

馮天衡張志作妻戚氏嘉興府吳志纂康熙丙午戚年十八歸天衡越三載天衡卒遺孤二長堯

勳二齡次清江甫生六月戚撫以守志教誨成立苦節四十二年卒學使馬豫旌曰畫荻遺徽

俞懋德妻朱氏子啓祥妻馬氏高志纂康熙戊午懋德歿朱年三十苦志守貞歷四十五

年卒子啓祥娶馬氏啓祥亦早世馬苦節四十年學使彭啓豐旌曰松筠繼美

馮耀叔妻徐氏嘉興府吳志結褵半載耀叔亡矢志三十八年卒

張孝婦新纂九歲遭父喪一慟而絕二日始甦年十六嫁翁式玉事舅姑能得勸心未幾母沈氏病疫馳歸省視

侍奉湯藥不倦及卒時當六月枕尸而哭卒亦不染姑夙嬰心疾張代操家政姑亦盛稱其孝卒年六十八賈朝琮訪

馮載揚妻周氏嘉興府吳志年二十二載揚亡守志四十餘年卒

馮景暘妻徐氏嘉興府吳志二十三歲景暘亡家貧無子守志四十六年卒

吳其章高志作繼妻顧氏嘉興府吳志其章業儒早歿顧矢志守節撫孤耀晃成立歷數十年

足不踰闕遠邇稱之

張燧繼妻吳氏張志纂吳汝欽女康熙庚戌吳年二十一歸燧二十七而燧卒子慧遠甫六齡吳矢志撫

孤家貧積鉞蓄餘貲營葬翁姑及夫卒年四十七

生員施翔妻楊氏新纂松江楊承椒女康熙乙巳楊年十六歸翔姑馬氏性嚴毅委曲盡孝務得歡心

翔喜交遊留賓無虛日楊主中饋咄嗟立辦親族皆歎其賢能戊午翔卒遺子四皆幼楊年二十九矢志守貞撫孤成立

馮錫貴訪

生員石嶽妻俞氏嘉興府吳志年二十九而寡節凜冰霜以姪永年為嗣教以孝友嫺睦歿年七十四

陸奐勲妻俞氏張志纂仁和教諭俞均女年二十四歸思南知府世楷季子奐勲結褵纔六月奐勲歿俞

人物下

適歸寧聞訃歸觸棺破額號慟欲死姑曰汝有遺腹幸生子庶慰朝夕何輕身爲遂不敢言死曲意承歡生子載珠殤於痘嗣姪生孫又相繼死守節五十五年卒

**周序大妻盧氏** 張志年二十六序大歿家奇貧連喪三子止存幼子鶴嘉或勸改適泣然曰我名家女何忍萌此心從兄知府生甫聞而義之迎養於家命與媳沈貞女伴後與貞女先後死守節五十一年

**王叔林妻孫氏** 嘉興府吳志纂年二十三叔林歿無子孝事廬改作佛精舍奉舅姑及夫木主於其旁以承嗣祭雜髮斷指終身不踰戶外太史俞兆晟嘉其節孝題其門曰寶寧龕

**王轍妻錢氏** 高志生員錢象乾季女康熙辛亥錢年二十一歸轍七載轍亡以姪錫嘏爲嗣時甫五齡訓之成立爲名生員

**朱葵階妻馮氏** 張志纂康熙庚戌馮年二十歸葵階二十二年五十九學使彭始而葵階亡撫二齡孤文毅成立後爲監生卒博旌曰勁節貽麻

**唐肄修妻顧氏** 嘉興府吳志纂顧芳侯女康熙辛亥顧年二十歸肄修越三載肄修歿無子顧矢志不移早夜操作孝事舅姑立姪監生徵鳳承祧及長爲夫營葬日吾事畢矣遂寢疾卒守節三十三年雍正戊申題旌

**生員劉嘉言妻戈氏楊聲垂妻劉氏** 高志纂戈氏生員戈方母至孝既歸嘉言事舅生員培初克盡婦道嘉言歿撫子大業有成學使何世璣旌曰栢節松齡劉氏卽戈女年二十一歸聲垂時康熙壬申也二十五而聲垂卒無子止一女時翁姑年邁夫弟楷又幼劉躬代子職置田若干畝資楷娶妻楷既生子撫以爲嗣卒年五十六乾隆甲子題旌

**生員張觀光妻施氏** 嘉興府吳志貢生施型女年十六適觀光越四載而寡事姑盡孝撫子以慈守節五十年卒

**沈貞侯妻胡氏** 高志胡茂章女康熙甲寅胡年二十二歸貞侯甫五月而貞侯卒無子女栢舟自矢撫姪人儀爲嗣教之讀書遊庠年六十五卒乾隆丁巳題旌

平海縣志

卷九

人物下

三

生員陸恭先妻曹氏

嘉興府吳志恭先早卒家無遺貲曹氏拮据以治喪葬矢志苦守教子遊庠

李瞻洪妻倪氏

嘉興府吳志瞻洪赤貧早卒倪年少無子值歲飢常數日不舉火或勸之改適輒涕泣不

已年七十餘以節終

劉孔嘉妻顧氏

高志康熙庚申孔嘉卒顧年二十七遺孤英三甫襁褓翁諷之改嫁不從抱英三歸母家

備嘗諸苦及英三年十八始返舊廬署知府王以和旌曰節孝流芳年八十四卒

江耀武聘妻陸氏

朱志幼許字耀武康熙丁巳耀武死陸欲奔喪為親長所格毀粧茹素矢志守節有

乞烟者絕粒五日乃止丙寅父母俱終將歸江氏越明年疾作而逝乃合葬焉

李梅菴妻曹氏

嘉興府吳志少寡家甚貧勤紡織奉姑守節數十年卒陸夏尊有傳

張秋鑑妻楊氏

高志纂生員楊馨閩女康熙癸丑楊年十九歸秋鑑二十二而秋鑑歿遺孤垂裕甫二齡

楊矢志撫孤孝事舅姑及卒送終盡禮撫垂裕成立為監生卒年六十四乾隆辛酉題旌

陸沈鯤聘妻丁氏

嘉興府吳志纂湖州丁元凱女康熙壬子丁年十八許字沈鯤未婚沈鯤卒女聞訃

慟絕復甦父母勸之則泣曰親在女不敢死顧女之許陸氏父母命之矣願終身守嚴命父母之既而憐其年少復議

婚他氏遂闔戶絕食父母許以奔喪成服乃不死既歸陸撫棺長慟見者泣下事舅姑以孝立姪時煖為嗣尋以母病歸

侍奉湯藥母死哭傷目幾失明父亦旋歿既殯為書別舅姑願與夫同穴遂絕粒十日而卒舅姑迎其柩與沈鯤合葬焉

乾隆癸亥題旌按丁氏

杭永靖妻蔣氏

嘉興府吳志少寡而貧奉事孀姑備極敬養發居四十餘載卒

生員陸翼權妻沈氏

高志纂康熙甲寅沈年十九歸翼權三十而翼權卒遺孤大章尙幼撫養成

為監生守節五十年卒

朱吉人妻姚氏

嘉興府吳志纂康熙壬子姚年十七歸吉人逾歲吉人歿姚截髮毀容事孀姑曲盡色養

積紡織貲完先人葬事捐產以備祭祀遺腹生女後歸貢生張聲鏞撫姪琰為嗣訓課有成年四十八卒孫培在高安縣

馬子誠妻趙氏子誠弟石君妻陳氏

高志纂康熙甲寅趙氏年十九歸子誠二十五

而寡終身衣布閉門紡織不見一人撫族姪鉞為後成立遊庠卒年六十三康熙甲子陳氏年二十一歸石君六載石君病歿時王舅宿史年邁陳竭力奉養備得歡心一子尋殤乃與伯姒趙同處營葬三世無失禮趙既歿陳年逾八十依其兄廣遠以老

贈叅將葛贊皇妻封恭人柯氏

高志纂康熙辛亥柯年十六適贊皇三載贊皇歿孤洪範

生甫逾月柯奉孀姑撫幼子守節六十三年學使何世璠旌曰勁栢蒼松孫元成武進士仕大同叅將琪中武舉人兩孫有成柯皆親見之人謂苦節之報云

張光燿妻俞氏

嘉興府吳志年二十八而寡守節三十三年始終如一邑人稱之

毛美圖妻錢氏

嘉興府吳志既婚未廟見美圖卒錢治其喪葬服闋歸寧撫其兄子成立獨居四十年

徐維垣妻沈氏

高志纂沈則先女康熙癸丑沈年十七歸維垣十九而維垣卒無子矢志不渝撫姪欽為

嗣教養成立孫藻監生守節三十六年乾隆辛酉題旌

孫敘昭妻葛氏

高志纂康熙甲寅葛年十八歸敘昭二十五而敘昭歿葛善事翁姑撫四歲孤紹聞成立

日勤操作艱苦備嘗守節三十九年卒

陸某妻戚氏

嘉興府吳志歸明運判陸潛九第八子甫期月夫亡無子苦節數十年卒

陸天武妻姚氏

嘉興府吳志農家女適天武生子三歲而天武亡矢志撫孤貧無寸土朝夕紡織不給恒

以糶作糜飲無終歲飽者十餘年子漸長能治畦稍免凍餒又十餘年始娶婦年六十卒

張叔彥妻朱氏

嘉興府吳志年二十一適叔彥甫四月而寡苦節四十餘年學使旌之

盛寅公繼妻湯氏

高志康熙甲寅湯年十七歸寅公三十而寅公歿無子鬻衣貲房產營二代葬守節

三十七年卒

張天佑妻朱氏 高志纂生員朱展女康熙己未朱年二十一歸天佑甫四月而天佑卒朱慟哭矢志以從

姪人鳳為嗣舅姑既老奉養不衰父屆耄耋而歿朱時已老猶痛哭如嬰兒卒年七十三乾隆丙辰題 旌

費宗賢妻朱氏 高志康熙辛酉朱年二十三歸宗賢一載而寡無子冰蘖白甘里人高其節咸請表揚朱

輒泣謝閉戶潛 處至七十四卒

沈畿妻謝氏 嘉興府吳志參沈氏家乘嘉興謝玉樹女康熙戊午謝年二十歸畿甫十月畿歿於痘三月而

遺腹子金莖生撫以守志及長如其父歿之歲亦染痘危謝泣禱家祠曰婦所以隱忍者以有孤在也吾家無大罪孽天

忍重降割乎如有禍願以身當之翼日竟無恙後舅姑相繼卒出紡織所積親營窻卒年五十一乾隆戊午題 旌

舉人韓士洪繼妻張氏 新纂康熙丁巳張年十九歸士洪為繼室生子廷芳甫九齡士洪旋歿家

貧日勤紡織課廷芳為生員卒 年七十四學使雷鉉旌其門

陳璿繼妻俞氏 嘉興府吳志年十八歸璿甫一載璿卒無子更乏應繼者俞將以身殉舅姑止之日汝夫

係宗子先人祀不可殄俞乃矢志以待後十年 璿弟生子惟懋撫之以延宗祀年六十四卒

生員陸芳嶸妻沈氏 嘉興府吳志參高志生員沈梁女康熙丁巳沈年十八歸芳嶸甫三載芳嶸歿

勵志守貞撫孤大復王孫皆成立有文名年 七十九卒孫銘一領鄉薦乾隆庚申題 旌

貢生程溥妻戴氏 嘉興府吳志纂戴絃女康熙丙辰戴年十暮子本毓尚幼族戚勸以大義戴飲泣守貞善體舅姑心孝

養曲摯歿後喪葬盡禮課子成立本毓仕至宣化府同知康 熙癸巳戴年五十四題 旌

李西麓妻繆氏 嘉興府吳志纂繆勝思女康熙庚申繆年二

者三年二十四而西麓歿繆方有身慟絕復甦越四月而生 子譜時女甫三齡家貧脫簪珥以養舅姑年俱至七十外奉

事不衰撫孤成立卒年五 十四學使汪澄旌其門

潘彥公妻姜氏 高志纂康熙丙辰姜年十七歸彥公二十七而彥公卒遺姑紹文纒八月撫養成紹文

又卒撫孤孫麟年八十餘卒

奚佺妻曹氏

新纂監生曹舜翼女康熙戊午曹年十九歸佺值家中落勤機杼以事舅姑二十八而佺卒曹

矢志撫孤至於成立孫蘭弱冠為生員晚年子孫相繼歿境益坎珂遇喪葬皆獨力支持乾隆乙丑年八十六卒是年題

旌按曹氏旌在乾隆十年張志遺漏今考檔冊補纂

生員方鼎鉉妻周氏

嘉興府吳志纂嘉興生員周陶女康熙壬戌周年二十二歸鼎鉉二十九而鼎

鉉卒周屏膏沐弗歸事孀姑以孝聞撫訓遺孤嶧源入太學其舅氏葉某家貧無嗣遺一女孫撫如已女既嫁而寡復攜

歸並婚嫁其子女卒年六十三雍正丁未題旌

朱仲生妻宋氏

高志纂康熙己未宋年十九歸仲生越三載仲生卒無子一女尚幼宋守志不渝女長遣

姪孫棠為孫卒年七十六

監生張志熺妻俞氏妾李氏

高志纂康熙丁卯志熺卒俞年二十七遺孤二其一妾李氏出

也俞矢志撫孤視庶子無異所生李亦感動誓終守焉

李煜妻梅氏

高志纂康熙癸亥煜卒梅年二十三遺孤甫襁褓梅撫以守志勤鍼黹以養寡姑甘旨無缺嘗

以糠粃自食不令姑知人稱其孝有老嫗以他婦改嫁事告者梅變色斥之苦節四十五年卒知縣王之琪邑人陸奎勳

陸培並有詩紀其事

陸定徵妻曹氏定徵子生員申昌妻程氏

朱志纂曹氏金山貢生曹爾植女康

熙辛酉曹年二十一歸陸清獻子定徵既婚以賢淑聞甫一載定徵歿曹誓以身殉竟不食死距定徵歿纔四十七日耳

初清獻有二子長定徵次宸定徵無嗣越二十餘年宸徵生子申昌乃立為後雍正甲辰申昌既長娶金山程簡在女

時程年十六明年申昌歿遺子壽甫襁褓尋殤清獻家故貧至是日益凋落程苦志勵節父憫其貧與田十五畝俾給朝

夕年五十卒

陸言

橋李詩繫名言字鸚仙閣學陸業長女年十七歸副貢生沈季友連遭舅姑喪承敬執勞靡有倦節季友好交

遊家道中落陸縮食減衣佐中饋以是得不困訓子女御婢  
僕咸得大體精女紅工文墨有京邸傷母新厝東湖別墅詩  
云年來顧影暗傷神花月難留去住身痛我先凋萱樹早怕  
人細誦蓼莪頻望雲何盡天涯路戲綵難娛泉下親佳節每  
逢垂血淚因風遙灑弄珠津乙亥冬病作自言必死家事手  
撥口授無一遺失危坐而逝先是癸酉予宿天姥峯下夢一  
姬曰汝前身白鶴童子汝婦則綠鸚仙也遂占一詩曰借隱  
何年志願同前身忘却俗緣中夜來天姥渾猜著是綠鸚仙  
白鶴童陸因自稱老峯鸚女

劉廣乘妻陸氏

嘉興府吳志明御史陸清原孫女年二十歸廣乘五載而寡撫三齡孤仔鉅成立家業中

落勤苦操作年五十卒學使靳讓旌之

沈梁妾李氏

嘉興府吳志梁五旬而歿李矢志貞守或勸之嫁誓死不允茹齋衣布苦節自甘卒年六十三

俞光業妻蔣氏

嘉興府吳志年二十六先業亡遺孤二皆幼姑曹氏在堂家又貧蔣紡織孝養教育其子

族有鬻墓旁田者蔣曰雖貧不鬻祭器况墓田乎乃出嫁時裝易金贖回捐作祭田年六十七卒

貢生陸琳章妻俞氏

嘉興府吳志纂生員俞掄女適舉人陸上瀾次子琳章康熙庚午琳章歿俞哭

盡哀闔戶自縊家人覺而救之得甦布衣茹素歷數十年無喜容撫三子士照建光垂炯皆成立垂炯嗣夫從弟廣林為後其孫錫嘉領鄉薦

趙貞女

浙江通志女出名族父許配高氏高起家微驟致富且曾為其外祖前馬女愧之將嫁自縊死按西野

筆談載高即趙僕其事已登邑志會重修志纂輯者得厚餽欲刪去之夜半秉燭甫執筆旋風忽起滅燭有鬼哭聲懼不敢刪至今傳焉

生員李儀妻胡氏

嘉興府吳志孝事父母割臂療疾儀歿遺孤三齡撫之成立

監生俞杰繼妻張氏

新纂張雲孚女年十九歸杰撫前室一子二女如已出二十九而寡閨門雍肅

諸子皆成立卒年七十七賈朝琮訪

監生繆瞻侯繼妻姜氏

高志纂康熙己巳姜年二十八歸瞻侯半載瞻侯亡守志不移撫前氏子

平幼孫志

卷乙人物下

三



女教成婚嫁  
卒年五十七

魯右昭妻陸氏

高志纂生員陸虞一女康熙庚申陸年十九歸右昭二十六而寡撫幼孤周儒成立家貧

勤女紅以給朝夕卒年六十五後周儒既娶夫婦偕卒遂絕

李幼鉉妾徐氏

嘉興府吳志幼鉉亡無子女生甫八月拮据茶苦三十二載學使吳垣旌之祠在法華菴

生員錢長庚聘妻時氏

高志纂時悅仁女康熙庚申時年十八許字長庚二十一而長庚歿聞訃

矢志守貞茹齋服縞至三十六歲舅貢生軼千高其節迎歸家中落時親操井臼孝養舅姑陸氏以上壽終撫姪坦成

立卒年六十三乾隆己未顯旌按時氏府吳志誤作何貞女云許聘錢軼千第二子而不言長庚名今檢閱雍正十

一年錢燧成原牒因時氏府志誤刊何貞女稟請改正詞引壁隣吳銓現在伊妻畢氏早逝志載畢氏守志為証是長庚

卽軼千第二子並非另有何貞女張志於畢氏則削之而何貞女猶與時氏兩存其為傳誤無疑附辨更正

戈某聘妻汪氏

俞嶽奇西野筆談生員汪沛侯女幼字戈某戈天父欲再擇門楣汪瞿然而起曰豈有一

女而許兩姓乎更其衣衣蘇姪往戈宅拜其夫靈再拜翁姑守制有年戈家貧輒以針指紡織之資佐之翁姑嘉其志篤

愛若己女年二十餘病瘵而殞

施某妻屠氏

盧生甫受中編施端臣長子聘屠雲躍之女子病日者曰得喜可愈遂結縭禮纔成而病劇朞

月死女守節終身猶未廟見成婦也後姑亡歸養母家事其翁歲月問安久而不懈

陸友勳妻馮氏

高志纂康熙庚午友勳亡無子僅遺四女馮時年二十八矢志守節經營三喪撫女長成

遣嫁年七十五卒

生員倪曰旦妻胡氏曰旦子遠士妻顧氏

新纂曰旦早世遺子遠士尚幼胡撫

以守志善事舅姑養葬皆盡禮茹荼數十年知縣王某旌其門遠士既長娶妻顧氏甫歲餘而寡年僅二十一與姑並矢

冰操事姑以孝訓遺孤成立時推一門雙節

監生唐公蘭妻林氏公蘭子葵妻王氏淵妻陸氏

嘉興府吳志林氏乍

十八適公蘭二十五而公蘭歿教育遺孤彞淵方遊庠相繼  
去世同媳王氏陸氏三發苦守嚴勗季子喈鳳潛心力學里  
黨重

沈茗峴妻李氏沈氏家乘茗峴歿李年二十四止一女貧甚  
或勸之去李矢志不渝日夕紡織以存活泊

姻婦卒代撫其孤子  
廷金廷鑾皆成立

王某妻李氏嘉興府吳志李君實女幼識大體年十八適王  
氏子夫亡叔欲奪其志誓死不嫁咸屈希平妻

沈氏亦早寡欽李氏節迎而養之沈  
卒其寡媳施氏承姑志亦奉養惟謹

徐大成妻周氏高志纂康熙癸亥周年二十歸大成孝事舅  
姑八載而寡撫幼子成立茲愛兼至苦節四

十餘  
年卒

生員陸裕昌繼妻施氏妾沈氏高志纂施氏明大學士施鳳  
來曾孫女廩生施宸鑑女康

熙丙寅施年二十三歸裕昌為繼室十閱月而裕昌卒初裕  
昌前室張氏早世娶妾沈氏及歿沈年纔十七各育遺腹生

子皆不育時夫弟生員裕昭子匡時生甫十七月施乃撫為  
嗣率沈事姑戈氏以孝養夫二妹教成遣嫁撫匡時為監生

孫四紹庠子繼超曾希曾施親為教育相繼遊庠卒  
年八十五沈先十一年卒乾隆癸巳以雙節題旌

陸輝佳妻沈氏高志纂康熙辛酉沈年十八歸輝佳三載輝  
佳病瘵沈侍奉湯藥始終不倦二十四而輝

佳歿無子沈絕粒五日將以身殉本生母過氏泣諭之曰汝  
夫業嗣叔後有喪未舉又不幸無嗣汝若死舅姑終淹淺士

矣乃泣而受命後五載營葬盡誠擇從姪廷襄為  
嗣教之讀書遊庠卒年七十一乾隆丁巳題旌

生員李光含妻沈氏沈氏家乘沈中秀女適光含光含性落  
拓不治生產數年光含歿無子家貧沈

欲以身殉者再父愛憐之遂攜以歸歸則獨居小閣繡  
佛長齋孝父母無異為女時年六十餘無疾端坐而逝

生員黃流妻曹氏張志纂康熙壬戌曹年十九適流半載而  
寡無子立姪光義為嗣家貧紡織度日未

幾光義復歿乃以其弟光照子秉鉞為  
嗣孫教之讀書遊庠守節六十五年卒

生員陸英標妻馮氏嘉興府吳志生員馮秉寧女年二十適  
英標英標以力學致疾馮侍湯藥歷兩

不意比卒哀毀踰禮時年二  
黃氏清操自勵三十餘載卒

女六女嘉興府吳志農民黃玉樓女許字王姓里豪金某者  
時以語戲之女正色辱詈金遂以貲贈其夫令退婚  
潔如哭誓死矢不改適勤紡織以奉親歷數十載貞  
不改其操比卒數月金舉室被火以焚炙爛死

監生張承烈妻姚氏高志纂康熙甲子姚年二十歸承烈二  
十九而寡無子誓無二志孝事舅姑撫  
嗣子坦成立  
卒年六十七

趙文元妻周氏高志纂周振南女康熙癸亥周年十九歸文  
元二十七而文元歿子俊仁尚幼文元又無  
兄弟周矢志撫孤獨支門戶營葬舅姑皆如禮  
俊仁後為監生卒年七十一乾隆戊午題旌

潘東明聘妻陸氏陸紹堯妻俞氏新纂陸氏生員陸燮昌女  
幼字東明未婚東明客燕  
京久之不反自北來者咸莫知其消息燮昌家故貧陸日勤  
女紅佐之及父卒戚族議更嫁陸曰許潘父命也父死之謂  
何敢有二志且潘若在生還有日如其已死吾寧忍背死者  
而更事他姓乎卒誓志不改雖幾火不繼無戚戚容雍正壬

子卒年六十八俞氏康熙辛卯歸燮昌子紹堯三載紹堯卒  
俞年二十三無子矢志守貞與其夫姊陸氏共處一至互以  
節孝相最事舅姑盡禮撫姪璜為嗣教  
之讀書為廩生年四十八卒陳錫爵訪

生員馮炳疇妻陸氏嘉興府吳志生員陸之瀛女年十七歸  
炳疇二載炳疇卒撫孤成立守志終身

監生陸秉琪妻林氏高志纂生員林浣女康熙甲子林年十  
九歸秉琪二十七而秉琪歿無子以姪  
時熿為嗣孝事舅姑與姊姒無間言初時熿本生父秉琰遠  
遊二十餘年與家人不通音問時熿既長娶婦生子女林諭  
令往省時熿乃歷五省周數千里凡九年始奉秉琰歸  
識者咸謂其明大義云卒年七十二乾隆癸亥題旌

顧紹武妻李氏嘉興府吳志生員李永彰女幼識大  
義及笄適紹武未幾紹武病奉湯藥惟謹凡  
數月目不交睫比卒哀號欲殉翁姑慰以善言為立繼授產  
泣曰吾從夫死義也焉用此為母氏苦勸不聽竟絕粒死陸  
夏尊  
有傳

吳貞女嘉興府吳志吳楫女嬰年許配劉氏子未聘而父母  
俱亡無兄弟依叔父居家貧紡織自給劉子亦困阨

輕去其鄉歲久不歸女堅貞以俟迨叔父歿年幾三十劉子音信仍杳遂至夫家事尊嫜克盡婦道勤織作出所蓄為夫弟婚娶又念父無子力營兩世窀穸年五十而卒

林文傑妻徐氏

嘉興府吳志文傑農家子徐年十六歸文傑越二載文傑病篤囑徐曰我母三十而寡撫

我自三歲至今艱苦備嘗我死後家貧無嗣汝能代我養母我目瞋矣既卒徐苦節自矢歷三十餘年身居圭竇中笑語不聞戶外勤十指以奉姑厥後姑年八十目瞽兼患癱瘓徐扶持調護不少懈姑感其孝涕泣而歿復獨力營葬無失禮鄉里稱其節孝

丁玉賓妻唐氏

新纂年二十嫁玉賓三載而寡無子孝事舅姑喪葬盡禮兩撫嗣子以承夫祀守節三十

六年卒陸子鑰訪

紀嗣龍妻朱氏

高志纂朱路女康熙乙丑朱年十九歸嗣龍三載嗣龍卒遺子善長甫二齡朱矢志撫孤

時姑年邁恐傷姑心遇歲時祭夫輒晨起率菟孤泣奠習以為常姑歿殯葬盡禮後善長生子應祚猶親為鞠育課之讀

書為生員乾隆癸亥年七十七題旌

監生陸瀟原妾張氏

嘉興府吳志參高志嘉興人康熙丙寅張年二十歸瀟原為妾生子不育二十

六而瀟原亡或微諷之張曰婦人從一而終無論妻與妾也守節三十四年卒乾隆丙辰題旌按府吳志張氏與陸清原妾夏氏合傳列於前明今考高志更正

顧裕占妻施氏裕占子履中妻陳氏

張志纂康熙丙寅施年二十歸裕占已卯裕占

卒貧無立錐遺孤子三女一施紡織撫孤拮据婚嫁雍正壬子幼子履中復歿陳氏年二十九矢志勵守撫七歲孤文炳成立施憫其貧依長子又雍以居陳晨昏至寢所問寒燠始終不倦子稍長業賈媳亡遺穉孫陳保抱之守節三十三年卒

監生陸其燦妻陶氏

高志康熙丙寅陶年二十歸其燦二十

年六十六

朱泗妻許氏

高志生員許莊女康熙壬戌許年十六歸泗二十九而寡撫育二孤長御藩早天次昇任太醫

院乾隆癸亥題旌

生員陸士煊妻沈氏

嘉興府吳志生員沈乘女少夫怙恃事庶祖母盡孝年十七適士煊四壁蕭然

勤十指以奉舅姑士煊歿食貧苦守訓子來復嚴而有法

監生施滂妻陸氏

高志纂陸壽禎女康熙丁卯陸年二十歸滂七載滂歿遺子二長榮次城陸撫以守

志時舅監生銓姑金氏皆年邁多疾陸侍奉醫藥不倦治家嚴而有恩宗黨咸稱之卒年七十乾隆壬戌題旌

陸若榮聘妻劉氏

高志纂劉幼字若榮康熙丙寅若榮病瘵歿劉年十九未婚聞訃誓以身殉已而聞

若榮樞厝東湖案山麓乃自製冥衣服縗麻親詣柩前焚之哭奠長號一慟而絕家人救甦既歸絕粒三日卒

程光福妻黃氏

高志纂黃麟和女康熙甲子黃年十七歸光福四載而光福卒無子以夫兄光賓子大林

為嗣事舅九年孝養備至舅歿與姑相依者十二年雍正壬子歲大饑大林經商於外數年不歸黃晝夜習勤卒全貞節

乾隆己未題

旌時年七十二

生員張昺妻陳氏

嘉興府吳志年二十適昺未幾昺卒陳哀毀喪明守志三十餘年每祭涕泣如始喪

生員陸圃玉妻黃氏

嘉興府吳志參張志年二十七而寡痛欲身殉舅止之曰我年逾邁汝從夫死

是愈增我戚也為烈婦如不孝何黃涕泣勉從歷數十載足不出閫撫孤成立守節六十五年卒

徐孚吉妻王氏

高志纂嘉興王祿錫女康熙丙寅王年十八歸孚吉甫八月而卒王清操自勵孝事翁姑

撫六齡姪松為嗣飲食教誨迄於成立乾隆庚申王年七十二題旌

監生何國楨妻爰氏

嘉興府吳志康熙丙寅爰年十八歸國楨越七載國楨歿爰

誓以身殉舅姑泣止之曰汝死藐孤將誰屬耶乃勉進饋粥撫孤烟偉成立長齋茹苦終其身年四十七卒按國楨舊

失名今考  
檔案補入

官方中妻徐氏

高志纂康熙辛未徐年二十三歸方中越五載方中歿無子孝奉舅姑時舅子詠年逾五

丁更無次丁而姑金氏頗妬徐朝夕諫其姑久之感動乃納  
妾沈氏生子宏業宏業既長金病將死嘆曰使我不絕曹氏  
後者皆新婦教我也既歿徐喪葬盡誠後撫宏業子  
秉義為嗣知縣林緒光旌曰金玉其心卒年六十四

舉人曹與枚妻陸氏高志纂生員陸之瀛女康熙癸酉與枚  
舉於鄉越五年而卒陸時年二十九家

奇貧親族無可依者辛勤操作獨支門戶  
教子德照讀書為生員苦節四十二年卒

丁尚卿妻金氏高志纂康熙丙子尚卿卒金年二十七子甫  
週晬家貧食糠粃度日子稍長為黃冠得膳

以老卒年  
六十七

戴源妻程氏高志康熙丙寅程年十七歸源踰年源卒矢志  
貞守課子懋遊庠學使彭啓豐旌曰貞節慈微

監生陸秉謙妻許氏妾韓氏張志纂康熙庚午許氏年二十  
一歸秉謙事姑以孝越三年秉

謙復納妾韓氏乙亥秉謙卒許年二十六韓年二十一皆無  
子勵志共守撫姪焜為嗣訓誨成立許卒年六十二韓卒年

五十八乾隆甲  
子並題旌

錢九洲妻陸氏高志纂康熙丁卯陸年十八歸九洲三載九  
洲歿止遺一女上有邁姑陸勤女紅以資養

育葬姑嫁女皆出十  
指苦節四十八年卒

生員張天祺妻陸氏浙江通志參嘉興府吳志生員陸深女  
康熙丙寅陸年十七適天祺踰年而寡

子瑛生甫八月矢志撫孤孝事舅姑戊子歲饑  
設糜濟貧守節三十年卒雍正丁未題旌

監生洪士良妻李氏高志纂李長華女康熙己巳李年二十  
歸士良士良監生時科次子嗣時京後

李事時京及姑葛氏克盡孝道二十九而寡子耀甫三齡矢  
志撫孤足不越戶限時京既老病坐卧一室李日親進飲食

有過從者必潔脩脯款之無倦容時京語人曰我本無子嗣  
子又亡今新婦贖我忘無子之苦聞者皆嘉歎乾隆丙辰李

年六十七  
題旌

生員陸彪勳妻張氏彪勳子載陶繼妻陳氏張志纂張氏生  
員張長生女康

熙庚午張年二十歸彪勳二載而彪勳歿遺子載璠尚幼張  
撫以守志未幾子復殤乃以姪載陶為嗣既長娶媳生有子

十切孫志  
卷九  
人物下  
昌

矣又相繼亡復擇從姪鏃及導鑄並嗣卒年七十二雍正癸丑題 旌陳氏中書陳舜潢女歸載陶為繼室年三十而載陶卒與姑共守撫其嗣子苦志四十年卒 按省志張氏已於雍正十一年題 旌張志失載今補入

潘敏求繼妻郭氏敏求子邦祚妻楊氏孫琨妻郭氏曾孫繩

妻王氏 新纂郭氏生員郭子象女年二十八而敏求歿矢志撫孤六十除年如一日乾隆乙亥卒楊氏生員楊嚶

求女年二十六而邦祚亡奉姑鞠子茹苦終身卒年四十四郭氏生員郭啟周女雍正壬子郭年二十二而琨亡孝養祖姑自甘藜藿撫嗣子繩成立今年八十王氏王誠齋女乾隆己丑王年二十五而繩歿與姑刻苦守志並勵冰霜子二長銘次銓俱為婚娶今年亦四十五賈朝琮訪

生員沈不負妾朱氏 高志纂康熙丁卯朱年十七歸不負為側室二十九而不負亡朱勤儉清操撫

一子二女婚嫁成立子方蕙讀書遊庠克繼父志乾隆丙辰朱年六十二題 旌

曹久封妻黃氏 張志纂康熙戊辰黃年十八歸久封二十九而寡孝事舅姑撫十歲孤鼎安成立鼎安既

婚而天又以從姪孫某嗣鼎安後未幾亦歿家遂絕守節五十年卒

孫繩武妻葛氏 新纂葛茂生女康熙戊辰葛年十八歸繩武家故貧值王舅仲芳喪幾無以殮葛傾奩資

以佐無吝色繩武學習易積勞病瘵歿矢志守貞事舅朗如及繼姑張氏盡孝及卒殯葬無失禮撫三歲孤志鏞成立卒

年六十六 馬錫貴訪

楊豈韓妻陸氏 張志纂年十八歸豈韓二十而豈韓歿子鑄甫生數月陸撫以守志孝事舅姑家僅有田

三十畝經營喪葬艱苦備嘗課鑄讀書甚嚴後以程鑄名入嘉興學補增廣生孫淳為邑諸生卒年七十五後淳卒遂絕

潘永清妻楊氏 高志纂康熙辛未楊年二十一歸永清越五載永清歿勵志守節孝事兩姑教孤子達讀

書遊庠卒 年六十四

馮搏始妻陸氏 高志纂貢生陸師韓女康熙辛未陸年二十歸搏始八載而寡無子三女皆幼以姪文為

嗣五齡而殤又撫文弟之枚愛如已出髮居四十三年足不踰閭御婢僕以恩有過未嘗加苔衣服飲食體恤必周卒年

七十乾隆甲子題旌長女適俞早歲而寡冰操自矢有母氏遺風惜不詳其夫名

生員姚宏進妻張氏新纂康熙己卯宏進卒張年二十九撫遺孤廣泰食貧守貞勤紡織以奉舅養

葬皆盡禮守節三十餘年

陸元燾妻徐氏

按省志彙輯一百二人皆有姓氏無傳今考府縣志有傳者已按時代敘列惟張氏徐氏二人諸志皆不載意當時載筆之人以其無甚奇節畧而不書而後此脩志者又以省志無傳遂并削其名今時隔五十年張氏幸得舊牒重纂徐氏竟無從補葺不得已第列其名氏俟考俾不致歸烏有然則節婦之傳亦有幸有不幸焉

張兆枚妻嚴氏高志纂吳江嚴子若女康熙壬申嚴年二十

事舅姑以孝以從姪士煒為嗣撫養成立入太學年六十三卒乾隆丙辰題旌

州同知徐青選妻屠氏高志纂屠宏和女五歲父母相繼歿日依兩柩側涕泣悲悼寢處不離者

三年既嫁孝事舅姑深得歡心晚年家無兄弟親為父母卜地營葬並建祠置田膳祭終身孺慕有古孝女風

毛宗彥妻陳氏高志康熙己巳陳年十八歸宗彥二十九而宗彥亡撫九齡孤子成立年七十餘經理家

政絕無倦色

鮑匡衡妻吳氏浙江通志參高志監生吳上華女康熙戊辰吳年十七歸匡衡匡衡為庶出子幼孤育於

長兄結褵後授產析爨吳事庶姑盡孝年二十一匡衡卒遺孤昇甫三齡撫之成立外事一聽於伯內事稟命於姑後伯氏家日落視姪不異己子為翁姑營

葬守節四十年雍正壬子題旌

貢生沈承泗妻陸氏高志纂昌化知縣陸煥元女康熙庚午陸年十八歸承泗時舅鉉吉為龍溪知

縣將挈其家人赴任命陸經理家政陸克修婦道七載承泗亡善事舅姑撫孤廷棟有成乾隆丁巳陸年六十五題旌

李唐侯妻高氏高志纂高蘭亭女康熙己巳高年十七歸唐侯三載而寡無子以姪其昌為嗣撫教成立

唐侯既歿之明年再遭舅叔明喪哀毀盡禮與姑蔡氏相依者二十年以孝養稱年六十五卒乾隆丁巳題旌



毛洪藩妻徐氏 張志纂康熙癸酉徐年二十歸洪藩二十九而寡撫孤豐高繩武翌高皆成立守節四十年

卒五年 呂廷鏗 張志作呂鏗妻唐氏 張志纂唐允如女康熙癸酉唐年二十歸廷鏗二十六而寡撫六歲孤成立娶媳羅氏未幾早世與羅撫孫賓王食營共守苦節五十三年卒乾隆丙寅題 旌

生員俞鏜妻陸氏 張志纂生員陸魯瞻次女康熙癸酉陸年十九歸鏜二十三而鏜卒無子陸勵志守節孝事舅姑撫姪維翰成立既婚夫婦復相繼歿遺七歲孫椿親為鞠育乾隆己巳陸年七十五題 旌

監生葛世楠妻楊氏 高志纂康熙辛未楊年十七歸世楠十八而世楠歿無子女嗣子徵炳甫三齡楊撫之成立入太學終蔬布苦節四十九年卒

張瑋妻潘氏 浙江通志參高志舉人潘之昌女康熙壬申潘年十八歸瑋二十九而瑋亡潘布衣蔬食終身不與宴會孝事舅姑撫子孚升為監生守節三十年雍正癸丑題 旌

徐美斌妻黃氏 高志纂康熙庚午黃年十六歸美斌三十而寡食貧守志撫子建瑋成立年六十一卒

屠德允妻何氏 高志纂何賦毅女康熙壬申何年十七歸德允二十一而德允卒無子何矢志守節孝事翁姑撫育嗣子成立乾隆丙辰何年六十一題 旌

何兆楠妻曹氏 浙江通志參高志監生曹士式女康熙乙亥曹年二十歸兆楠越九年兆楠亡事翁姑以孝聞布衣茹素自甘淡泊撫孤望書成立入太學望書亦善體親心以孝友稱雍正戊申題 旌

生員沈調陽妻屈氏 嘉興府吳志纂屈粹中女康熙癸酉屈年十八歸調陽五載而寡子二長殤於痘次世溥生甫三月撫育成立越七載舅歿事姑蔣氏盡孝終身不服紈綺守節二十三年卒學使馬豫旌曰松筠媲德

周明道妻張氏 高志纂張美中女康熙壬申張年十七歸明道三載明道卒張矢志守貞事舅姑以孝迎養父母沒齒不衰撫從姪宗瑚為嗣乾隆己未張年六十四題 旌

唐洪學妻俞氏 高志康熙壬申俞年十七歸洪學二十一而寡矢志貞守痛舅姑早逝祭必豐潔無子以

三朝系志 卷九 人物下

好克典為嗣孽畫婚娶經營窳  
窳咸克盡禮乾隆辛酉題 旌

沈瀛洲妻孫氏 張志纂州同知孫培嘉女少喪母父命理家

縣沈之弑子瀛洲時王舅岫為鎮海教諭之弑以父年邁令  
瀛洲侍養鎮海庚辰從海道間歸為颶風所驚得疾卒遺子

發甫二齡女二皆幼孫苦志貞守攜子女歸依母家躬自教  
育以至成立守節二十四年卒乾隆癸巳題 旌發後為生

員以子初封  
禮部侍郎

贈福建糧驛道高軒妻封淑人王氏 高志纂秀水副使王藹

歸文恪士奇長子軒二十四而軒卒遺子衡尚幼王鍵戶毀  
容事祖姑俞太夫人及文恪克盡孝道課子極嚴教之讀書

兼習律例後衡官刑部郎仕至福建糧驛道家聲不墜  
得於母教者為多守節三十二年雍正壬子題 旌

生員洪士正妻程氏 高志康熙丁丑程年二十一歸士正明

十六  
年卒

陸其昫妻嚴氏 高志纂廩生嚴觀光女康熙甲戌嚴年十八

自刎舅姑護甚密乃絕粒七日而歿事  
聞巡撫線一信學使顏光教並旌其門

顧岳山妻袁氏岳山弟立山聘妻吳氏 高志纂吳氏許字立

吳年二十二未婚兄宏緒欲更嫁之誓死不從夫兄岳山蚤  
世奴袁氏亦寡居憐其同志迎以歸既拜堂下孝事舅姑閱

十年而舅姑繼歿與袁拮据喪葬無嗣子宏木成立婚娶家  
貧紡織度日村居湫隘五夜機聲徹戶外至老不倦吳卒年

六十袁時年六十八矣後  
十餘年乃卒里人稱雙節

縣丞江澣妾顧氏 張志纂康熙癸酉顧年十七歸澣二十八

遺腹子體元成立越十九年劉歿顧獨支門戶  
又十四年而卒學使寶光彙旌曰冰雪雙清

魏武千妻子氏 新纂武千祖父世業賈康熙丙戌武千亡千

齡皆撫養成立卒年  
七十二陸子鑑訪

王茂昭妻李氏 張志纂李峻山女康熙丙子李年十九歸茂昭二十四而茂昭卒遺子承祖甫三齡李矢志不渝撫養成立乾隆丙寅李年六十九題旌

生員沈昌祚妻鄭氏 嘉興府吳志幼聰穎習女史昌祚卒哀號欲殉父母勸止之踰月不食數日死

宋秀妻馮氏秀從姪國泰妻富氏 高志纂康熙乙酉秀歿馮年二十七遺孤二誓不改

適貧無所依夫弟炳迎養於家馮亦早作晏息以佐其叔二子皆成立海防同知林緒光旌曰霜節餘徽卒年七十二康熙乙未富年三十二國泰亡長子八齡遺腹生次子撫以守志歷久不渝依夫兒國楨以居苦節三十八年卒時稱雙節

贈布政司經歷沈圻妻安人陸氏 高志纂生員陸兩史女康熙乙亥陸年十七歸副貢

季友子圻時姑陸氏嬰痼疾既婚即操家政湯藥扶持晝夜不倦二十七而圻亡撫孤子鑰成立慈嚴備至鑰候選布政司經歷乾隆戊午年六十題旌後二十一年卒

陳戴颺妻盛氏 高志纂盛寅公女父歿貧無以殮願鬻身以備衣衾鄰黨有高其義者贈金襄事乃得免

康熙丙子盛年十八歸戴颺二十九而寡遺子懋明方六齡盛矢志撫孤會戊子己丑歲薦饑米騰貴日織布一疋易米一升舅姑進膳如常而已則厭糠粃不令舅姑知一日姑至盛所盛匿之不及姑因以告其舅相與感泣及歿營葬盡誠教子成立守節五十三

年卒乾隆丙子題旌

陸介臣妻戴氏 新纂戴楚珩女康熙庚辰戴年二十一適介臣越三年介臣卒無子戴矢志不渝孝事孀

姑嘗與姑同寢食及歿喪葬盡誠後依其姪陸鳴臯以老馮錫貴訪

生員張東暘妻陸氏 張志纂陸洪栢女康熙己卯陸年二十

時衣營葬舅姑及夫無子止一女以姪杏山為嗣明年戊子歲大饑饔殮不繼或勸其易志則截髮自誓嘗於除夕有鄰

嫗遣婢饋以百錢斗米往返再四卒不受已而杏山又夭女嫁徐文獻文獻歿乃與寡女糊冥鏹度日以老乾隆丁卯陸

年六十八題旌

吳鼎年妻金氏 張志纂康熙庚辰金年二十一歸鼎年二十

三而鼎年歿遺孤鈞甫二齡撫之成立守節

平湖縣志

卷九 人物下

吳

四十七年卒

俞世珍妻張氏

新纂康熙辛巳世珍歿張年二十二子永思

保翁姑可養奈何去乎矢志茹苦撫孤成人年八十三卒後其鄰何聚興媳金氏俞龍觀妻某氏亦守志靡他皆張所感云賈朝

琮訪

楊建廷妻李氏

新纂建廷亡李年二十三值家業中落勵節自持奉舅姑終老撫二女出嫁年七十七卒

馮錫貴訪

生員陸垣妻林氏垣弟生員墉妻林氏

高志纂二氏皆林雲參女雲參早喪偶義

不再娶二氏事父俱盡孝垣墉監生士煒子而垣嗣解元士琰後康熙癸未雲參長女年二十三歸垣事姑以孝越六年垣卒後居守節撫三歲孤祖錫性嚴正訓子有法稍長親自課讀祖錫後以選貢入成均卒年五十二乾隆己未題旌雲參次女少其姊三歲亦於癸未歸墉墉先垣二年卒孤子天錫僅周晬矢志撫孤教養成立得領鄉薦乾隆庚申題旌

旌

沈嗣豐妻楊氏

張志嗣豐客死粵西楊年二十七長齋繡佛足不越戶口不見齒依姪諸生發以居守節

十八年卒

生員劉成業妻吳氏

新纂成業亡奉邁姑二十年養葬無失禮撫二子遐齡長庚皆成立為監生苦

志二十四年學使彭啓豐旌曰貞孝完倫

張錫山妻朱氏

張志纂朱彬文女康熙乙酉朱年二十四歸錫山二十九而寡遺子能久甫二齡撫養成

立娶媳生三孫能久遠賈雲南媳歿三孫皆親為養育未幾能久亦歿朱撫兩世孤守節五十四年卒

監生張培源妻陸氏

高志纂閣學陸萊女康熙庚辰陸年十

九歸培源二十七而培源歿陸居守節事姑倪氏盡孝撫五歲孤雲錦成立入太學有文名初父萊卒後母胡夫人寡居迎養於家始終不倦乾隆戊午陸年五十七題旌

生員張天裕妻劉氏高志纂諸生劉殿英女康熙庚辰劉年

邁翁撫子驥會廷標成立為監生乾隆壬戌劉年六十一題

旌後二子相繼歿乃以從姪廷誦二子敬關希闕為嗣孫

徐鶴林妻王氏張志纂王宮尚女康熙庚辰王年十九歸鶴

守貞親操作以奉舅姑父甚貧迎養於家撫廷宰成立為監

生後數年舅姑及父母相繼歿四喪並舉皆王親自經營無

失禮閭里並稱其賢乾隆庚午王年六十九題

增廣生洪允迪妻方氏張志纂方聖儒女康熙庚辰方年十

亡子二長廷樞嗣兄後次廷植南四齡方勵志守貞撫之成

立與伯姒同居共炊二十年無間言乾隆丙寅年六十五題

旌監生姚宏遠妾陸氏黃氏高志纂康熙己丑宏遠卒陸年二

遠繼母童氏年邁二氏左右扶持孝養不衰享嫡章氏甚謹

陸生子培齡黃生子培恩各撫教成立入太學培齡娶妻張

氏未幾而夭陸與其媳共凜冰霜乾隆戊午以雙節題

旌俞錦文妻徐氏高志纂康熙癸未徐年二十一歸錦文二十

縣方以恭旌八而寡撫子吧瞻成立苦節二十三年卒知

曰勁節凌霜日監生陸其默妻沈氏高志康熙戊子其默亡沈年二十

六撫子曰堅為監生卒年五十三

高松翰妻吳氏張志纂康熙壬辰松翰卒吳年三十遺子紹

基甫六月家貧如洗苦志撫孤守節五十四

年卒後紹基亦歿遂絕生員倪廷鳳妻金氏高志纂嘉興監生金元歲女康熙辛巳

子二長藻垣次希祐女一金矢志撫孤事舅亮采姑馮氏皆

得歡心希祐早世課藻垣有成領鄉薦女嫁諸生楊純中亦

早年而寡乾隆辛酉金年五十八題

徐王臣妻王氏張志纂王駕六女康熙庚辰王年十七歸王

臣八月而寡其母以家貧有異志泣日名節

所屬饑寒何慮矢志不渝事舅姑盡孝初王臣歿時弟觀光  
纔九齡王佐舅姑撫育及長娶陸氏妯娌甚和終身不析炊  
及觀光夫婦歿又無子乃撫從姪爾仁為嗣而以爾遠嗣觀  
光後皆為之授室十餘年爾仁亦卒王與其媳俞氏哭哭寡  
居相依以老乾隆乙亥  
王年七十二題 旌

魯巨嚴妻錢氏巨嚴子飛鳩妻陸氏飛熊妻徐氏新纂康熙甲申錢年

二十一歸巨嚴二十七而巨嚴歿遺子二長飛鳩次飛熊錢  
矢志守貞事翁盡孝比二子長俱為娶婦康熙丙戌陸氏年  
十九歸飛鳩二十五而寡雍正丁未徐氏年二十二歸飛熊  
三十而寡皆無子零丁孤苦日夜勤紡織以奉姑錢卒年六  
十三陸晚年雙目失明至八十三卒徐  
先陸二十年卒亦年六十三賈朝琮訪

監生徐宗渭妻屈氏妾吳氏高志纂屈氏諸生屈朝陞女康

衡治家嚴屈日必鷄鳴起親往厨下視膳孝事維謹十載而  
宗渭卒撫孤成立國柱機廷桂皆入太學其季士杓遊府庠  
生八十七卒乾隆壬戌題 旌吳氏宗渭妾廷桂其所生也  
寡居後與嫡相依數十年奉侍維謹既娶媳生孫猶謙抑自

下人以為難  
卒年九十

監生徐仁瀚繼妻陸氏仁瀚弟監生仁溥妻金氏張志纂陸氏貢生陸

秉廉女康熙丁亥陸年二十四歸仁瀚二十七而仁瀚亡撫  
前氏子棠成立守節四十七年卒金氏驛傳道金南鏃女康  
熙己丑金年十九適仁溥二十四而寡有一子尋殤以姪棠  
子勛焯為嗣孫教育成立入太學守節五十四年後陸十一  
年  
卒

鮑永叔妻宋氏高志纂康熙辛卯永叔贅於宋宋氏時年二

氏賃田耕作宋亦勤女紅積  
費為之娶婦卒年六十七

莊烈女一統志農家女里有無賴乘女父他出夜操戈入室

府吳志父名耀昌無賴為曹大  
許殿宣事在康熙戊子三月

監生陳陸繼妻顧氏高志康熙壬午顧年十八歸陸三載陸

亡遺孤才一齡撫養成人孫曾林立守  
人物下

節四十年卒

陸焯妻顧氏

新纂顧芝懿女康熙乙酉顧年二十一歸焯二十

力孝養舅姑相繼歿殮盡誠撫永基為監生年七十八卒學使李宗文旌曰松筠挺節

彭禹菴妻陸氏

新纂康熙癸未陸年十九歸禹菴禹菴故力農陸勤紡織以佐薪水孝事舅姑二十四而

禹菴歿陸守志不二撫子祖齡成立已而舅姑歿喪葬盡禮年五十三卒馮錫貴訪

馬元銓妻馮氏

新纂廩生馮仲燾女康熙甲申馮年二十適元銓未匝月元銓病瘵父佐堯每問疾馮恐

傷舅心每以稍瘥對退則暗自飲泣及卒哀慟絕粒誓不欲生舅再三勸諭乃稍進食事繼姑以孝舅舉季子蕃錫喜曰

今有小叔待其長得子以為夫後庶可謝九原矣卒年三十五其後蕃錫生子汝驥乃立為元銓後賈朝琮訪

陳大本妻李氏陸某妻劉氏

新纂康熙丙戌李氏年二十一適大本越四載大本歿子定元

甫三歲大本世業醫性好施所得醫藥資輒以贈貧者及歿貧無以殮其弟大來亦窘拮据以營衣衾李曰未亡人累叔

氏久矣請朝夕勤手足以相助合爨者二十年無間言生平艱苦備嘗遇儉歲木棉價騰貴而布賤間里皆停機杼李仍

紡織不輟卒年七十二同時有劉氏者陸尙約媳也年稍長於李守節畧相似而無子其夫兄之女為李夫之自出二人

相傾慕而未嘗一見嘗因陸氏女與李約雖年至七八十不得詣佛寺陸歿時年亦七十餘惜逸其夫名賈朝琮訪

屠近硃妻劉氏

高志纂康熙辛卯近硃亡劉年二十七矢志食貧撫孤白勵已而孤又殤乃歸依母家積

女紅餘資營葬其夫守節三十餘年卒

葛武揚妻顧氏

高志纂康熙辛卯武揚歿顧年二十七無子家貧甚舅姑以顧年少勸之他適誓死不從

無何舅姑繼歿炊火恆不繼蓬首鵠面煢然子立者三十餘年

韓汝麟妻王氏

新纂年二十七汝麟歿遺孤應龍尙幼汝麟無叔伯又鮮兄弟家極貧王母家素封至是

獨支門戶艱難萬狀始終不渝撫孤成立知縣邵煜旌其門

吳紹武妻邱氏

高志纂康熙己丑紹武歿邱年二十五無子矢志不移時舅姑已死貧乏不能自存乃歸

依其弟敏公敏公卜者也事之如母日得賣卜錢無幾用  
恆不給然輒自忍饑寒不使其姊稍缺衣食鄉黨兩重之

生員陳上珍繼妻王氏新纂王瑞五女康熙辛巳王年十七  
如已出三十而寡善事姑夫弟廷璋夫婦偕亡撫

其子女成立晚年迎父養於家卒年六十沈國樞訪

林勝先妻謝氏高志纂康熙庚辰謝年十六歸勝先七載勝  
營喪葬無失禮乾隆辛

酉謝年五十七題旌

陸銘妻厲氏新纂厲成字少女康熙乙酉厲年二十一歸銘  
殤以姪津為嗣及長娶婦又卒遺孤棟纔十歲幸

勤鞠育迄於成立守節六十二年卒馮錫貴訪

朱鉞妻孫氏新纂鉞卒遺子二皆幼家貧勤十指以奉姑值  
歲饑紡織晝夜不輟嘗戒其子曰饑寒可忍渙

忍不可為也藜藿不充者十餘

年卒撫二子成立馮錫貴訪

生員戈文銳妻陸氏新纂生員陸德三女歸貢生戈廷燮子  
文銳康熙丁亥入善藉為生員是年十

月成婚甫五月文銳亡陸年二十二無子矢志守貞家故貧  
朝夕操作以奉舅姑撫姪榮珍為嗣娶媳徐氏不數年榮珍

又夭與媳坐卧一室形影相  
依卒年八十三陳錫爵訪

贈侍郎沈承沛妻贈一品夫人馮氏承沛子贈侍郎廷樞妻

封一品太夫人陸氏新纂馮氏監生馮燦女康熙乙酉馮年  
二十歸承沛事姑李夫人盡孝三載承

沛亡哀慟絕粒姑以其方有娠泣諭之稍進飲食已而生子  
廷樞日夜勤紡織奉姑教子姑歿營葬無失禮廷樞既長娶

媳陸氏一載而廷樞歿其後嗣孫初登第官翰林迎養京師  
猶儉約自持遇飲食稍豐輒愀然語初曰汝祖未嘗享一日

之奉吾寧忍甘此卒年八十六封宜人既卒六年晉贈一品  
夫人陸氏贈侍郎陸文元女年十八歸廷樞踰歲而寡時雍

正丙午也遺腹生子恆三齡殤於痘哭之慟誌朱於臂殮之  
祝曰若再生當以汝歸無何廷樞族兄發生子初朱誌宛然

陸聞之乃抱歸以為嗣躬自鞠育課極嚴比初為諸生屢困  
于試陸曰吾憶于歸後夢見堂中梁折下壓吾以手擎之得  
不下既覺臂猶痛且吾備茹荼苦自謂不如死又夢汝父曰  
汝來日大好勿自苦意者吾家其將興乎汝長慮長困也初



既貴侍其姑馮氏就養入都承歡無間馮嘗謂新婦事我雖子女不啻也丁酉秋初奉

命祖學福建

陞辭日

上曰福建與浙江為隣省汝母可以就養初頓首謝是年

皇太后賓天恭遇

覃恩初以其封封外祖父母陸乃色喜曰汝幼蒙外祖父辛勤教

誨二十年今可謂不負矣辛丑秋初陳情歸養逾年卒年七

十五初封太宜人晉封一品太夫人生平明大義治家嚴肅

教子義方遠近奉為女宗乾隆癸卯與其姑以雙節題旌

生員陸師朱妻沈氏嘉興府吳志纂康熙癸未沈年十八歸

元既受室又早天姑媳孀居熒熒無

依拮据茹荼至六十一卒沈岷有傳

屠遐眉妻吳氏高志康熙乙酉吳年二十適遐眉越七年遐

眉歿無子近支無可嗣者吳矢志不渝善事

翁姑既歿

喪葬盡禮

王國楨妻鄭氏

高志纂康熙丙戌鄭年二十歸國楨越七載國楨病甚且死謂鄭曰吾父年七十五母年

六十六兒甫四齡此正黃口相依白頭待養時也今汝年少

家甚貧恐不能成吾志我死且日且不瞑鄭涕泣自誓及歿齧

辛茹苦卒能奉事二親撫

孤成立守節三十八年卒

鮑露妻汪氏

張志纂康熙丙戌汪年二十歸露二十七而露

坐側日勤針紉撫二女成立遣嫁已而兩婿皆夭益伶仃孤

苦依次女以老守節六十五年卒姪孫鮑輝為合葬於露墓

監生陳淑妻沈氏

張志纂康熙丁亥沈年二十一歸淑二十

朝夕學使賣光龔旌曰貞

節可風守節六十一年卒

王文淵妻張氏

新纂年三十文淵卒遺子廷樞甫三齡時姑

課廷樞嚴而有法讀書為貢生年八十

以壽終學使錢維城旌曰筠操永貞

陳孟麟聘妻翁氏

張志纂翁渭上女康熙丁丑翁年十齡許

病痢歿翁呼天號泣儼若成人及笄兩家父母憐其年少議

更嫁之則泣而以死自誓乃止事舅姑以孝三十年如一日

平胡孫志

舅世籍嘉善族遠無可嗣者舅亡翁與其姑熒熒相依食貧以老姑亦視媳如女生平言笑不苟雖兄弟相見必正容肅對晚年葬夫遺骸築同穴於旁號哭送窆觀者皆為泣下守貞五十餘年卒乾隆丁卯題旌

施潮平妻姚氏張志纂松江生員姚書孟長女康熙甲申姚年十七歸松江同知洪烈孫潮平二十九而

潮平歿遺孤煥章甫逾月撫養成  
立孝事舅姑守節三十七年卒

王先妻沈氏張志纂年二十五而先卒先疾革時倦倦以老母為念沈承夫志勤針黹奉姑以壽終撫嗣子

成立守節六  
十三年卒

施補廷妻趙氏張志生員趙良嗣女二十五而寡孝事翁姑鍼黹度日無嗣守節六十年卒

俞文漢聘妻曹氏嘉興府吳志諸生曹蕭斗女許字文漢未婚而文漢夭聞變嘔血痛欲身殉母氏曲

慰之乃止母病七載奉湯藥不離母歿  
遂絕粒死郡邑哀其節孝徵詩輓之

徐鼎妻韓氏張志諸生韓紹芳女年二十三歸鼎二十八而寡子廷柱纔五齡終身茹素事姑盡婦道教子

遊岸乾隆壬申題  
旌至八十七卒

戴凌臯妻姚氏張志纂姚功賜女康熙己丑姚年二十一歸凌臯二十四而寡無子矢志堅貞孝奉舅姑

及舅卒姑復病夫弟又瞻尙幼百計撐拄門戶晏然迨又瞻生子子學銓撫以為嗣訓誨成立乾隆乙丑年五十七題旌

袁御龍聘妻楊氏嘉興府吳志楊魯占女幼字諸生袁種玉子御龍未婚康熙庚寅御龍歿魯占將更

適之哀號誓死魯占知其志不可奪遂不復言楊杜門斷  
髮冰霜自矢十餘年卒之日涕泣告父請合葬袁氏子墓

監生錢永昌妻馬氏高志康熙甲申馬年十六歸永昌二子繼業成立積紡織餘貲營葬舅姑及夫

無失禮乾隆壬戌馬年五十四題旌

錢文玉妻耿氏高志康熙甲午耿年二十六文玉歿遺孤周粹耿撫以守志訓課成立卒年六十

張超衡妻馬氏姪盈海妻陳氏高志纂康熙庚寅馬年二十適超衡家奇貧而舅抱夙

疾馬勤紡織以供藥餌三年不倦二十八而超衡歿遺子女各一俱襁褓越三載子又塲撫女成人遣嫁守節四十年卒

人物下

康熙辛卯陳年二十二歸盈海二十四而寡無子誓志同穴孝事舅姑喪葬盡禮亦守節數十年卒

沈源昌妻陸氏高志監生陸炳勛女康熙戊子陸年二十歸源昌越二年源昌歿孤子垣生甫四月教育

成立稱賢母焉乾隆庚申陸年五十二題旌

監生沈嶧妻陸氏張志纂諸生陸萊侯女康熙戊子陸年十

陸侍奉盡誠前氏子之焯甫二齡恩勤撫育與已出子之煥無異二十八而嶧亡陸發居矢志趙與劉相繼歿殯葬皆親自經營課二子成立乾隆丁亥

陸卒年七十八是年題旌

監生馮九德妻李氏高志諸生李瑤枝女康熙乙未李年二

平諸生

張復源妻徐氏張志嘉興生員徐雲期女復源家故貧多道

戊年二十九復源歿事姑盡孝日作通草花鈿供甘脆居近市蓬戶繩牖里黨罕睹其面子二守節二十三年卒

